

11 H. G. H. 7



UAN

DAD AUTÓNOMA DE NUEVO  
CIÓN GENERAL DE BIBLIOTECA

BX2128

.13

83

1753

cl

1753



1080045437



UNIVERSIDAD AUTÓNOMA DE NUEVO LEÓN  
BIBLIOTECA AUTÓNOMA DE NUEVO LEÓN  
DIRECCIÓN GENERAL DE BIBLIOTECAS  
MICROFILMADO 13

300 11 2000  
**DIES  
SACRA**

Per loca:

**SACRÆ SCRIPTURÆ**

Progrediens.

EDITIO SECUNDA

Auctore

**IOANNE SCOTTI**

Societatis Jesuæ



46351

**BONONIE**

Typis Lælii a Vulpe. (1753)  
Superiorum permissu.

B22178

.L3

53

1753



Vespere, mane, & meridie narabo;  
& annuntiabo;  
& exaudiet vocem meam.  
Psal. 54.

FONDO BIBLIOTECA PUBLICA  
DEL ESTADO DE NUEVO LEÓN

132774

DIRECCIÓN GENERAL DE BIBLIOTECAS

3

---

---

INTRODUCTIO.

**P**rodit jam libellus iste sup-  
presso Auctoris nomine, at-  
que adeo inscio Auctore,  
qui sibi illum ex variis Scriptu-  
ra locis descripserat, ut cum Deo  
Optimo Maximo Divino Idiomate  
interdum colloqueretur. Verum  
cum plurimi Religiosi Homines  
trahi se cognoscerent sacro hoc in-  
primis sermone, ad pietatemque  
mirifice commoveri, auctori sup-  
plicaverunt, ut auctum, atque ex  
majori parte reformatum typis  
iterum consignaret. Opusculum  
reformatum, atque auctum da-  
tum est typis Bononia anno 1736.  
Cum autem plura adhuc deesse,

A 2

&

<sup>4</sup>  
Et in pluribus reformari visum  
esset auctori, in lucem tandem  
ab Auctore proditum est. Habes  
in eo Religiose Lector, quomodo  
ad ipsa excitatione Matutina ad  
ipsam usque nocturnam corporis  
quietem diurnas actiones omnes  
ex ordine prosequaris piis qui-  
busdam alloquiis, quorum non  
sensa modo, sed verba etiam  
omnino omnia ex Sacris Biblio-  
rum libris decerpta sunt, atque  
collecta. Placuit singulis quibus-  
que affectibus titulum prescribere,  
ut invenire facilius possis,  
quo te juvari magis sentias,  
atque percelli. Vale.

---

---

PARS PRIMA.

A mane ad meridiem.

<sup>4</sup>  
Et in pluribus reformari visum  
esset auctori, in lucem tandem  
ab Auctore proditum est. Habes  
in eo Religiose Lector, quomodo  
ad ipsa excitatione Matutina ad  
ipsam usque nocturnam corporis  
quietem diurnas actiones omnes  
ex ordine prosequaris piis qui-  
busdam alloquiis, quorum non  
sensa modo, sed verba etiam  
omnino omnia ex Sacris Biblio-  
rum libris decerpta sunt, atque  
collecta. Placuit singulis quibus-  
que affectibus titulum prescribere,  
ut invenire facilius possis,  
quo te juvari magis sentias,  
atque percelli. Vale.

---

---

PARS PRIMA.

A mane ad meridiem.

---


IN EXCITATIONE  
MATUTINA.

*Cor suum tradet ad vigilandum  
diluculo. Eccli. 39.*

**D**Eus, Deus meus ad te de  
luce vigilo. Confurgam  
diluculo, & stabo coram Do-  
mino, qui fecit me, ut videam  
gloriam ejus, & vivam in con-  
spectu ejus. Adorabo, & o-  
mnipotentem deprecabor, &  
confitebor illi, quoniam in æ-  
ternum misericordia ejus. In  
matutinis meditabor, quia est  
adjutor meus.

Ad te levavi oculos meos,  
qui habitas in cælis. Ad te  
Domine Domine oculi mei.  
Ad te levabo animam meam.

A 4 Ora-



UNIVERSIDAD AUTÓNOMA DE NUEVO LEÓN

DIRECCIÓN GENERAL DE

Orabo, & mane exaudies vo-  
cem meam.

Deus in adiutorium meum in-  
tende. Domine ad adjuvandum  
me festina. Exurge, Domine,  
& dissipentur inimici mei. Exur-  
ge Domine Deus virtutum, Deus  
Israel. Exurge in adiutorium  
mihi, Domine ne moreris.

Qui decorem, & fortitudi-  
nem induisti, amictus lumine,  
sicut vestimento, indue me for-  
titudine, & virtute tua præcin-  
ge me. Fac ut induam novum  
hominem, qui secundum Deum  
creatus est, ut induar decore,  
& honore ejus, quæ a te Deo  
est, sempiternæ gloriæ.

LAU.

LAUDES DIVINÆ.

IN SURRECTIONE  
MATUTINA.

*Ut surgent mane ad confitendum,  
& canendum Domino.*

1. Paral. 23.

**D**omine labia mea aperies,  
& os meum annuntiabit  
laudem tuam. Confitebor tibi  
Domine Deus meus in toto cor-  
de meo. Confitebor tibi. In-  
vocabo te, & laudabo in ortu  
surgentis auroræ, dum te lau-  
dant simul astra matutina, &  
jubilant omnes filii Dei.

Extabor, & exultabo in te.  
Psallam nomini tuo altissime, &  
annuntiabo mane misericordiam  
tuam. Quia delectasti me in fac-  
tura tua, & in operibus manuum  
tuarum exultabo. Videbo caelos

A 5 tuos,



tuos; opera digitorum tuorum;  
lunam, & stellas, quæ tu fundasti.

Cantabo tibi; gloriose enim  
magnificatus es. Omnipotens  
nomen tuum. Ante diluculum  
præparatus egressus tuus. Psal-  
lam tibi gloria mea. Psallam  
tibi, qui gloriosus de sepul-  
cro surrexisti diluculo. Psal-  
lam tibi, qui ascendisti super  
cælum cæli ad orientem. Jubi-  
labo tibi in voce exultationis.  
Qui regnas super gentes, & se-  
des super sedem sanctam tuam.  
Exaltare super cælos Deus, & su-  
per omnem terram gloria tua.

Per singulos dies benedicam  
tibi, & laudabo nomen tuum in  
sæculum, & in sæculum sæculi.  
Laudabo nomen tuum assidue,  
& collaudabo illud in confes-  
sione. Benedicam te in vita mea,  
& labiis exultationis laudabit

os meum. Laudabo te Deus  
meus, & in diebus meis invoca-  
bo, donec dies sancta elucefeat;  
donec videam diem tuum Do-  
mine; diem, in quem jam nunc  
gaudeo, & exulto.

Cantabiles mihi erunt justifi-  
cationes tuæ in loco peregrina-  
tionis meæ. Vivet anima mea,  
& laudabit te; anima mea,  
quam redemisti; sed & lingua  
mea meditabitur justitiam tuam;  
annuntiabit de die in diem salu-  
tare tuum.

Memor ero multitudinis mi-  
sericordiæ tuæ. Confitebor tibi  
in sæculum. Cantabo fortitu-  
dinem tuam; in generationem,  
& generationem laudem tuam.  
Adjutor meus tibi psallam, quia  
Deus susceptor meus es; Deus  
meus misericordia mea. Domine  
Deus meus in æternum confite-  
bor tibi.

Qui fecisti, ut oriretur in caelo lumen indeficiens, & super filios hominum spargis lucem, illumina vultum tuum Domine super me, & in visis meis splendeat lumen tuum. Oriatur sol iustitiae timentibus nomen tuum, & illuminetur omnis terra gloria tua.

---

POST SURRECTIONEM  
MATUTINAM.

*Primitias tuas non tardabis redere. Exod. 22.*

*Laudat, & gratias agit.*

**D**omine Deus meus Creator caeli, & terrae, qui lucem inhabitas inaccessibilem. Tuus est dies, & tua est nox. Tu fabricatus es auroram, & solem, quem oriri facis super bonos,  
&

& malos. Benedico te, quia vocasti me de tenebris ad lucem.

Ego dormivi, & soporatus sum, & exsurrexi, quia tu suscepisti me. Factus es protector meus, & in requie mea repletus sum bonis. Repletus sum mane misericordia tua. Exultavi, & delectatus sum. Repletur os meum laude, ut cantem gloriam tuam; tota die magnitudinem tuam.

---

*Offert holocaustum orationis.*

**A**D te Deus meus de luce vigilo, ut adorem, & laudem te; & praevenere oculi mei ad te diluculo, ut meditarer eloquia tua, & ad ortum lucis te adorarem. Introibo in conspectu tuo in exultatione, & adha-  
bo

bo tibi. Aperiam os meum in oratione, & in conspectu Altissimi deprecabor. Offeram holocaustum matutinum, & dirigetur oratio mea sicut incensum in conspectu tuo.

*Petit sanctificari primitias diei.*

**T**U, Domine Rex meus, & Deus meus, Dominus universorum tu es, Deus meus es tu. In manibus tuis sortes meae. In simplicitate cordis mei latus tibi offero univ[er]sa. Omne quodcumque faciam in verbo, aut in opere, omnia in nomine Domini nostri Jesu Christi.

Sanctifica diem istam, ut delecter in matutina oblatione primitiarum mearum, ut in letitia serviam tibi, & reddam tibi

tibi vota mea de die in diem. Sanctifica me in veritate, ut sint accepta opera mea per dilectum Filium tuum, qui clarificavit te super terram, & in quo tibi complacuisti. Per quem est tibi honor, & gloria in omnes generationes.

*Divinam protectionem implorat; & SS. Angelorum custodiam.*

**E**Sto mihi in Deum protectorem, & in locum refugii. Fortitudo mea, & laus mea sis mihi in salutem. Ne elongaveris auxilium tuum a me: ad defensionem meam conspice. Erue me a persequentibus me; libera me.

Quoniam tu es, qui extraxisti me de ventre; spes mea ab uberibus matris meae. In te con-

confirmatus sum ex utero. De ventre matris meæ Deus meus es tu. Ne discesseris a me. Intende in adiutorium meum Domine Deus salutis meæ, & usque in senectam, & senium ne derelinquas me.

Qui mandasti Angelis tuis de me, ut custodiant me in omnibus viis meis, mitte Angelum sanctum tuum, qui præcedat me, & custodiat in via, & introducat in locum, quem parasti mihi.

*Postulat divinam Sapientiam;  
& cognitionem Jesu Christi.*

Qui fecisti omnia verbo tuo, & sapientia tua constituisti hominem Creator omnipotens; Deus potens, & metuendus nimis, da mihi sedium tuarum affi-

assitricem sapientiam, ut sciam, quid sit placitum in oculis tuis, & quid directum in præceptis tuis.

Mitte illam de calis sanctis tuis, & de sede magnitudinis tuæ, ut mecum sit, & mecum laboret, quoniam servus tuus sum ego. Deducat me in operibus meis, & custodiat me in tua potentia, ut nomen sanctum tuum collaudem, & glorior in mirabilibus tuis, & sciam, quia omnium potentior est sapientia, & sermo tuus eos, qui in te crediderint, conservat, & in omni loco, & tempore assistis illis.

Sit splendor tuus Domine super me, & lumen intelligentiæ oriatur in me, ut cognoscam te solum verum Deum, & quem misisti Jesum Christum, & cre-

scam in gratia, & cognitione  
ejus, & semita mea sit quasi lux  
splenders, & crescens usque in  
perfectum diem.

---

*Invocat Spiritum Sanctum.*

**Q**ui rosti solus cor filiorum  
hominum, mitte Spiritum  
Sanctum tuum de altissimis, &  
da timorem tuum in corde meo,  
ut non recedam a te; sed am-  
blem in via tua, & servem se-  
mitas justitiae, & viam Sancto-  
rum custodiam, perficiens san-  
ctificationem in timore tuo, &  
gratias agens tibi, omnibus die-  
bus vitae meae, quia tu es Deus  
noster, & laudabimus te in sa-  
ecula saeculorum. Amen.

ANTE

---

ANTE MENTALEM  
ORATIONEM.

*Ante orationem prepara animam  
tuam. Eccli. 28.*

**Q**uis mihi tribuat, ut deside-  
rium meum audiat Omni-  
potens? Quis mihi det, ut co-  
gnoscam, & inveniam illum,  
& veniam usque ad solium ejus,  
& intelligam, quid loquatur  
mihi?

Surgam, & ascendam ad  
montem Domini. Ascendam,  
& adorabo, & deprecabor fa-  
ciem ejus. Scrutabor testimonia  
ejus; & meditabor eloquia ejus.  
Procidam ad pedes ejus. Ex-  
pandam manus meas, & effun-  
dam cor meum in conspectu  
illius

Ap.

Appropinquo, & stabo coram illo, & prætolabor cum silentio salutare ejus, donec mittatur ab Altissimo visitatio, & accipiam de doctrina illius, & illuminer a facie verborum Sanctorum ejus.

Accede anima mea: accede ad tabernaculum sanctum Domini: accede, ut adores Dominum Deum tuum, ut loquaris cum Deo tuo, & audias quid loquatur in te Deus tuus, & obedias voci ejus.

Declinate a me maligni, & scrutabor mandata Dei mei.

Appropinquet deprecatio mea in conspectu tuo Domine.

IN

---

IN INGRESSU  
AD ORATIONEM.

*Vacate, & videte, quoniam ego sum Deus. Psalm. 45.*

Vidi Dominum sedentem super solum suum, & omnem exercitum cali assistentem ei a dextris, & a sinistris. Magnus, & terribilis super omnes, qui in circuitu ejus sunt.

Excelsus, & sublimis, habitans aternitatem; & sanctum nomen ejus in excelso: in sancto habitans: thronus ejus flammæ ignis: splendor in circuitu ejus, & implens omnia majestas ejus.

Humiliare anima mea, & adora. Ecce Deus tuus, in cujus conspectu cadunt Angeli in facies

cies suas. Ipse est Deus vivens, Dominus majestatis. Procede in faciem tuam, & adora Dominum Deum tuum.

Intra oratio mea in conspectu tuo Domine.

---

IN PRINCIPIO ORATIONIS.

*In conspectu Altissimi deprecabor.* Eccli. 28.

*Parvet ante conspectum Domini.*

**D**omine Deus, fortis, magne, atque terribilis; ad cujus nutum pavent caeli, & contremiscunt; a cujus facie silet omnis terra, corruo pavens in faciem meam ante conspectum tuum; ante oculos majestatis tuae.

Quis ego sum, ut appaream  
co-

coram Domino, & ad Omnipotentem loquar? Ego pulvis, & cinis: putredo, & vermis: homo vilis: homo peccator. Qui non sum dignus intueri, & aspiciere altitudinem caeli praeter multitudinem iniquitatum mearum. Quis ego sum, ut appropinquem ei, quia immundus sum?

---

*Humiliatur in conspectu Domini.*

**E**T nunc fortissime Deus spirituum universae carnis hominis, in conspectu Angelorum adoro te. Flecto genua mea, & tremens sto ante pedes tuos, & prostratus humilio animam meam in conspectu tuo.

*Offert*

*Offert orationem suam  
Domino.*

**L**Evo ad te manus meas, & invoco te Deum omnipotentem, & offero tibi Deus altissime in hac hora, in qua adito coram te, orationem meam. Suscipe eam de manu Sancti Angeli tui, ut sit oblatio digna; incensum suavissimi odoris; Sacrificium sanctum; & fiat tibi acceptabilis per dilectum Filium tuum Jesum Christum.

Qui sanctificaris in iis, qui appropinquant tibi, fac ut sanctificem in hac hora te Deum Sanctum; & perveniat oratio mea ad habitaculum Sanctum celi.

*Petit*

*Petit visitari a Deo  
in oratione.*

**O**stende mihi Deus meus majestatem, & magnitudinem tuam, ut exultem tibi in timore, ac tremore sancto; ostende lucem miserationum tuarum; converte vultum tuum ad me, & non avertas faciem tuam a me in indignatione tua.

Memento mei Deus meus; visita me in salutari tuo: effunde aquas super sitientem, & fluentia super aridam animam meam; effunde Spiritum Sanctum tuum, & emitte fontem sapientie verbum tuum Domine.

**B**

*Illu.*



*Illuminari, & accendi.*

**Q**ui illuminas mirabiliter a montibus æternis; lux vera, quæ illuminat omnem hominem, faciem tuam illumina super me; fulgura conuersiones, & emitte radios ab illuminatione vultus tui: egredietur ignis a facie tua, & cor meum inflammet eloquium tuum, & in meditatione sancta exardescat, ut surgam ab oratione confortatus in te, & in potentia virtutis tuæ ex consortio sermonis tui.

*Meditatio cordis mei in conspectu tuo Domine.*

IN

IN FINE ORATIONIS.

*Descenditque Moyses de monte.  
Exod. 19.*

**D**omine ad quem ibimus? Verba vitæ æternæ habes. Quam dulcia faucibus meis eloquia tua! ignitum vehementer eloquium tuum. Et nunc Domine confortatus in te surgam ab oratione; recordare quod steterim in conspectu tuo; benedic egredientem de tabernaculo tuo; & visitatio tua custodiat spiritum meum. Amen.

B 2 POST

## POST ORATIONEM.

*In corde meo abscondam  
eloquia tua.*

Psal. 118.

**A**Doravi, & Omnipotentem  
deprecatus sum; quæsi  
Dominum in oratione mea;  
colluctata est cum eo anima  
mea; os meum aperui, & at-  
traxi spiritum. Eloquium Do-  
mini inflammavit me; conca-  
luit cor meum intra me, &  
confirmatus sum.

Manus meas extendi in al-  
tum; animam meam direxi ad  
Dominum, & in agnitione in-  
veni illum. Benedictus Domi-  
nus, qui tribuit mihi intelle-  
ctum; benedictus Deus, qui  
non

non amovit orationem meam,  
& misericordiam suam a me.

Propter hoc non derelinquar;  
lætabitur anima mea in miseri-  
cordia illius, & non confunde-  
tur in laude ipsius; in testimo-  
niis ejus delectabor; lætabor  
super eloquia ejus, quia exulta-  
tio cordis mei sunt.

Confortabor in te Deus meus,  
& in lumine tuo ambulabo;  
lucerna pedibus meis verbum  
tuum, & lumen semitis meis;  
mirabilia testimonia tua: de-  
claratio sermonum tuorum il-  
luminat.

Et nunc Domine Deus Omni-  
potens in misericordia tua vivi-  
fica me, & custodiam testimo-  
nia oris tui; in corde meo ab-  
scondam eloquia tua. Confir-  
ma me in verbis tuis, & gres-  
sus meos dirige secundum elo-

B 3 quium

quum tuum, ut inhaream tibi, & ambulem coram te in veritate, & corde perfecto.

Custodi me, & da mihi constantiam, & contemnam inimicos meos; & virtutem, & evertam illos. Adjuva me, & salvus ero, & meditabor in justificationibus tuis semper; & meditabor in mandatis tuis, quæ dilexi nimis. In lege tua sit voluntas mea, & in lege tua die, ac nocte meditatio mea.

LAU.

---

LAUDES DIVINÆ

EX

OPERIBUS CREATIONIS.

*Ut recordarentur operum ejus  
& glorificarent, & laudarent  
Dominum Deum Israel.*

1. Paral. 6.

**B**enedic anima mea Domino: Domine Deus meus magnificatus es vehementer. Deus meus es tu, & confitebor tibi: Deus meus es tu, & exaltabo te; confitebor tibi, quia terribiliter magnificatus es; mirabilia opera tua; & anima mea cognoscit nimis.

Memor ero tui; memor ero mirabilium tuorum; meditabor in omnibus operibus tuis; in

B 4 fa.

factis manuum tuarum medita-  
bor, & in adinventionibus tuis  
exercebor; enarrabo mirabilia  
tua, & magnalia sapientie tue.

Tu creasti omnia; conservas  
omnia, & vivificas; & omnis  
exercitus celi te adorat, & om-  
nis creatura servit tibi; quia  
dixisti, & facta sunt; misisti  
spiritum tuum, & creata sunt;  
& non est, qui resistat voci  
tue.

Tui sunt celi, & tua est ter-  
ra: Orbem terrae, & plenu-  
dinem ejus tu fundasti; aquilo-  
nem, & mare tu creasti. Tuus  
est dies, & tua est nox: tu fa-  
bricatus es auroram, & solem;  
tu fecisti terminos terrae; alta-  
tem, & ver tu plasmasti ea.

Quam magnificata sunt opera  
tua Domine; omnia in sapien-  
tia fecisti: generatio, & gene-

ra-

ratio laudabit opera tua, & po-  
tentiam tuam pronuntiabunt;  
magnificentiam glorie sanctita-  
tis tue loquentur, & mirabilia  
tua narrabunt: gloriam Regni  
tui dicent, & potentiam tuam  
loquentur; ut notam faciant  
filiis hominum potentiam tuam,  
& gloriam magnificentie regni  
tui.

Magna opera tua, & mirabi-  
lia Deus Omnipotens! Magna,  
& mirabilia operatus es. Po-  
tentia tua usque in altissima,  
quae fecisti magnalia. In uni-  
versis non est, qui sit similis ti-  
bi; non est, qui possit facere  
opera tua.

B 5

Ca-

*Calorum pulchritudo.*

**C**onfiteantur Domino misericordix ejus, & mirabilia ejus filiis hominum. Ipse Dominus Deus noster, qui fecit altitudinem firmamenti, & pulchritudinem ejus; in sapientia sua stabilivit cælos; extendit illos velut nihilum, & quasi tabernaculum expandit eos. Verbo ejus firmati sunt; & spiritus Domini ornavit illos. Verba enarrant gloriam ejus. Ipsi annuntiant opera ejus; annuntiant in populis mirabilia ejus.

Di.

*Diviso diei, ac noctis.*

**D**ies diei eruat verbum, & nox nocti indicat scientiam. Ipse Dominus Deus noster, qui præcipit diluculo, & ostendit auroræ locum suum; producit Luciferum in tempore suo, & Vesperam super filios terræ confurgere facit.

*Pulchritudo Solis.*

**S**ol illuminans per omnia respicit; vas admirabile; opus excelsi; in meridiano exiit terram, fornacem cultodjens in operibus ardoris, & refulget radiis suis. Magnus Dominus, qui fecit illum; & in sermonibus ejus sellavit iter.

B 6

Lu.

*Luna, & Stella.*

**O**stenſio temporis Luna, & ſignum Aevi; luminare quod minuitur, & creſcit mirabiliter in conſummatione; vas caelorum in excelsis; in firmamento caeli reſplendens glorioſe. Specie caeli, gloria ſtellarum, mundum illuminans in excelsis Dominus. Dederunt lumen in cuſtodiis ſuis, & latatae ſunt. Vocatae ſunt, & luxerunt ei cum iucunditate, qui fecit illas. In verbis ſancti ſtabunt; non deficient in vigiliis ſuis.

*Ar.**Arcus, & Nubes.*

**V**ide arcum, & benedic eum, qui fecit illum. Valde ſpecioſus eſt in ſplendore ſuo; gyravit caelum in circuitu gloriae ſuae. Manus excelsi aperuerunt illum. In magnitudine ſua poſuit nubes: magnificentia eius, & virtus eius in nubibus.

*Formatio Terra.*

**C**onſiteantur Domino miſericordiae eius, & mirabilia eius filiis hominum. Domini eſt terra, & plenitudo eius; Orbis terrarum, & univerſi, qui habitant in eo: in manu Domini omnes fines terrae. Præparavit

vit eam in æterno tempore, & replevit eam. Firmavit eam super aquas, & solidavit bases ejus, & posuit mensuras ejus. Fundavit eam super stabilitatem suam: non inclinabitur in sæculum sæculi. Firmavit orbem terræ, qui non commovebitur.

*Montes, & Valles;  
Fontes, & Flumina.*

**A**scendunt montes, & descendunt campi. Emittit fontes in convallibus; profunda fluviorum scrutatus est, & abscondita in lucem produxit. Elevaverunt flumina vocem suam; a vocibus aquarum fluctus suos.

*Am.*

*Ampliendo Maris.*

**C**onfiteantur Domino misericordix ejus, & mirabilia ejus filiis hominum, quoniam ipse est mare, & ipse fecit illud. In fortitudine sua congregatæ sunt aquæ: illic reptilia, quorum non est numerus.

Mirabiles elationes maris; mirabilis in altis Dominus. Concluserit illud, & circumdedit terminis suis; confringit tumentes fluctus ejus; placat abyssos, & in sermone suo componit omnia, qui est ante sæculum, & usque in sæculum.

*Pro.*

*Providentia.*

**C**onfiteantur Domino misericordix ejus, & mirabilia ejus filiis hominum. In terram respexit, & implevit illam bonis suis; effudit super nos misericordiam suam: misericordia Domini super omnem carnem; super omnes surgit lumen ejus.

Qui operit cælum nubibus, & parat terræ pluviam; irrigat aquis universa, ut det lignum agri fructum suum, & terra germen suum. Qui producit in montibus fœnum, & herbam servituti hominum: qui dat jumentis escam ipsorum, & pullis corvorum invocantibus eum: qui dat escam omni carni, aperit manum suam, & implet omne animal benedictione.

*Crea-**Creatio Hominis.*

**C**onfiteantur Domino misericordix ejus, & mirabilia ejus filiis hominum. Creavit de terra hominem; ad imaginem suam fecit illum, & vestivit eum virtute. Dedit ei potestatem eorum, quæ sunt super terram: posuit timorem ejus super omnem carnem, & dominatus est bestiarum, & volatilium.

Creavit ex ipso adjutorium simile sibi, & disciplina intellectus replevit illos; sensu implevit cor illorum; bona, & mala ostendit eis; posuit oculum suum super corda illorum, ostendere illis magnalia operum suorum; ut nomen sanctificationis collaudent, & glorientur in mira-



mirabilibus ejus; ut magnalia enarrent operum ejus.

Domine Dominus noster, quid est homo, quia innotuisti ei; aut filius hominis, quia reputas eum? Quid est homo, quia magnificas eum, aut quid apponis erga eum cor tuum?

Minuisti eum paullo minus ab Angelis; gloria, & honore coronasti eum, & constituisti eum super opera manuum tuarum: omnia subjecisti sub pedibus ejus; oves, & boves, & universa pecora campi: volucres caeli, & pisces maris, qui perambulant semitas maris.

Domine Deus Pater noster es tu; nos vero lutum: & fictor noster tu; & opera manuum tuarum omnes nos. Omnia ossa mea dicent: Domine quis similis tibi? Manus tuae fecerunt me,

me, & plasmaverunt me; tu suscepisti me de utero matris meae. Memor ero Creatoris mei; vivens vivens confitebor tibi, & laudabo nomen tuum, & gloriabor in miserationibus tuis Domine Deus meus.

---

*Laus Creatoris.*

CONFITEANTUR DOMINO misericordiae ejus, & mirabilia ejus filiis hominum. Gloria Domini plena sunt opera ejus: letabitur Dominus in operibus suis. Quis videbit, & enarrabit? Multa sunt abscondita majora his; pauca enim vidimus operum ejus; omnia autem fecit Dominus.

Quis Deus magnus sicut Deus noster? Deus noster pro omnibus

bus Diis. Quis in nubibus æquabitur Domino? Similis erit Deo in filiis Dei? quis loquetur potentias Domini? Auditas faciet omnes laudes ejus? Quis magnificabit eum, sicuti est ab initio?

Operuit cælos gloria ejus, & laudis ejus plena est terra: a solis ortu, & occasu laudabile nomen ejus; ab aquilone, & mari: in univèrsa terra, terribile, & admirabile, & magnum in fortitudine nomen ejus; super cælos elevata magnificentia ejus: viderunt omnes populi gloriam ejus.

Laudate cæli; exulta terra; jubilate montes laudem; jubilate extrema terræ: tonet mare, & plenitudo ejus: exultent campi, & omnia, quæ in eis sunt: glorificate habitatores

or.

orbis, in insulis maris nomen Domini Dei Israel; glorificate bestix agri; volucres cæli date vocem; narrate pisces maris; omnis spiritus laudet Dominum.

Benedictus es Domine Deus Patrum nostrorum, & laudabilis, & gloriosus, & superexaltatus in sæcula; & benedictum nomen gloriæ tuæ, quod est sanctum, & superlaudabile, & superexaltatum in omnibus sæculis.

Benedictus es in Templo sancto gloriæ tuæ; benedictus es in throno Regni tui; benedictus es, qui intueris abyssos, & sedes super Cherubim; benedictus es in firmamento cæli, & laudabilis, & gloriosus in sæcula.

Benedicite Dominum omnes An.

Angeli ejus; benedicite omnes virtutes ejus; benedicite omnia opera ejus; in omni loco dominationis ejus benedic anima mea Domino.

Sit gloria Domini in sæculum; sit nomen ejus benedictum in sæcula; benedictus Deus meus, & exalteretur Deus salutis mex; laudabo eum in cantico, & magnificabo eum in laude.

Benedicam in omni tempore: semper laus ejus in ore meo. In ipso laudabitur anima mea; laudationem Domini loquetur os meum; & benedicat omnis caro nomen sanctum ejus in sæculum, & in sæculum sæculi.

Benedictus Dominus Deus Israel, qui facit mirabilia magna solus; & benedictum nomen majestatis ejus in æternum, &

re-

replebitur majestate ejus omnis terra. Fiat. Fiat.

---

ACTUS FIDEI.

*In fide viro filii Dei.*  
Galat. 2.

**B**enedico te, Domine, quia vocasti me de tenebris in admirabile lumen tuum ad agnitionem veritatis, ad cognoscendum te solum verum Deum, & quem misisti Jesum Christum. Revelasti nobis per Spiritum Sanctum tuum, quod aliis generationibus non est agnatum, sicut Sanctis Apostolis tuis, & Prophetis.

Tu sapiens, & verax es; ideo adhasi testimonio tuis, quæ credibilia facta sunt nimis. Da mihi

hi spiritum sapientiz, & revelationis in agnitione filii tui Jesu Christi: confirma me in verbis tuis, ut sim stabilis in fide, tenens confessionem Jesu Christi.

Da mihi fidem, quæ per charitatem operatur, ut ambulans nunc in specie videam te facie ad faciem in calis, & exultans in revelatione gloriæ tuæ laudem te in sæcula sæculorum. Amen.

---

ACTUS SPIRIT.

*Gloriamur in spe gloria  
filiorum Dei, Rom. 2.*

**B**enedictus Deus, & Pater  
Domini nostri Jesu Christi,  
qui secundum misericordiam

diam suam magnam regeneravit nos in spem vivam, per resurrectionem Jesu Christi ex mortuis, in hæreditatem incorruptibilem, paratam revelari in tempore novissimo.

Salvatorem expectamus Dominum nostrum Jesum Christum, qui reformabit corpus humilitatis nostræ configuratum corpori claritatis suæ. Fidelis Deus in omnibus verbis suis, in quibus supersperavi, & in ipso sperans non infirmabor.

Peccavi; sed advocatum habeo apud Patrem Jesum Christum justum, qui est propitiatio pro peccatis nostris, & totius mundi; qui dilexit, & lavit nos in sanguine suo; semper vivens ad interpellandum pro nobis.

Inclinavi igitur cor meum ad  
C fa.

faciendas justificationes tuas in æternum, propter retributionem; propter coronam iustitiæ, quam reddes mihi iustus Iudex; & in spe erit fortitudo mea,

Cuotidiam viam tuam, & per patientiam expectabo, quoniam tu es spes sustinentibus te, & apparebis expectantibus te in salutem. Ne pereat spes mea a te Domine Deus meus.

---

ACTUS CHARITATIS.

*Charitas Dei diffusa est  
in cordibus nostris.*

Rom. 5.

**D**iligam te, Domine, fortitudo mea: diligam te ex toto corde meo; ex tota anima mea; ex tota mente mea; ex omnibus viri-

viribus meis; quia tu solus bonus es, & amabis super omnia. Diligam te, qui prior dilexisti me, cum adhuc essem inimicus; & filium tuum pro me tradidisti.

Quid aliud mihi est in cælo, & a te quid volui super terram, Deus cordis mei? Quis poterit me separare a charitate Christi? Neque mors, neque vita, neque creatura ulla poterit me separare a charitate Dei, quæ est in Christo Jesu?

Diffundatur charitas in corde meo per Spiritum Sanctum tuum, ut radicatus in charitate, & fundatus, unum sim tecum, qui unum es cum Filio tuo, & cum eodem Spiritu Sancto, & regnas in sæcula sæculorum, Amen.

IN ORATIONEM  
DOMINICAM.

*Domine doce nos orare.*

Luce 11.

*Pater noster, qui es in calis.*

**D**omine Deus noster, qui in  
excelsis habitas, qui de  
caelo prospicis super filios homi-  
num, cui est cura de omnibus,  
qualem charitatem dedisti no-  
bis, ut filii Dei nominemur, &  
simus? Vere tu Pater noster es,  
& tu Deus noster.

*San-*

*Sanctificetur nomen tuum.*

**Q**uam admirabile est nomen  
tuum Domine! Omnipoten-  
s nomen tuum: nomen tu-  
um Adonai. Dominus nomen  
est tibi. Fac ut adorem te Deum  
verum in spiritu, & veritate;  
ut confitear nomini tuo magno,  
quod terribile, & sanctum est.

Ut manifestem illud homini-  
bus; ut cognoscant te omnes  
gentes, & timeant te, & ado-  
rent, & colant te, & sciant, qui  
ab ortu solis, & qui ab occi-  
dente, quia non est Deus praeter  
te.

Notum fac, Domine, nomen  
tuum, Allume zelum pro no-  
mine sancto tuo, ut glorificeris  
in oculis multarum gentium.

C 3    Via

Violaverunt Sanctum tuum :  
blasphemaverunt Sanctum Is-  
rael : non est qui recordetur  
nominis tui ; non est , qui in-  
vocet nomen tuum .

Qui creasti nos in laudem , &  
gloriam tuam , sanctifica nos , ut  
sanctificemus te in operibus no-  
stris , & in medio nostri glorifi-  
ceris , & simus populus Sanctus  
Dei nostri ; & in excelsis Altissi-  
mi aperiemus os nostrum , &  
gloriabimur in conspectu virtu-  
tis tue Rex seculorum .

*Adveniat Regnum tuum .*

**G**Ratias tibi ago , Domine De-  
us Omnipotens , qui eras ,  
& qui es , & qui venturus es ;  
quia accepisti virtutem tuam  
magnam , & regnasti . Tu Do-  
mi-

minus solus omnium regnorum  
terre ; Dominator excelsus su-  
per omnia regna hominum ; Po-  
teestas tua in æternum , & re-  
gnum tuum non dissipabitur .

Non est in terris potestas ,  
quæ comparetur tibi . Subverti-  
sti solium regnorum , & contri-  
visti fortitudinem regni gen-  
tium ; & cognoscent omnia re-  
gna terre , quia tu es Dominus  
solus , & regnabis in sæcula sæ-  
culorum .

Tu eripuisti nos de potestate  
tenebrarum , & transtulisti in  
regnum filii dilectionis tue .  
Ipse est Primogenitus mortuo-  
rum , qui dilexit , & lavit nos  
a peccatis nostris in sanguine  
suo . Tu vocasti nos in regnum  
suum , & gloriam . Ipse rex no-  
ster , & salvabit nos .

Adveniat , Domine , regnum

C 4 tu-

tuum, & non regnet peccatum in mortali corpore; sed gratia tua regnet per iustitiam in vitam aeternam, ut digni habeamur, & simus haeredes regni, quod repromissisti diligentibus te; & ministretur nobis introitus in aeternum regnum Dei, & Salvatoris nostri Jesu Christi, cum quo regnant omnes Sancti, & regnabunt in saecula saeculorum. Amen.

*Fiat voluntas tua.*

**D**omine Deus rex omnipotens, in ditione tua cuncta sunt posita, & non est, qui possit tux resistere voluntati. Iustus es, & rectum iudicium tuum; & omnia quaecumque facis, in vero iudicio facis. Iustus

stus es, & omnes viae tuae misericordia, & veritas. Sit nomen tuum benedictum in saecula.

Non ne Deo subiecta erit anima mea? Quis ego sum, ut ponam tempus miserationis Domini? Humiliabor sub potenti manu eius; humiliabo illi animam meam. Secundum voluntatem suam faciat, & quod bonum est in oculis suis. Bona, & mala suscipiam de manu eius: fiducia mea coram illo.

Non quod ego volo, Domine, sed quod tu. In manibus tuis sortes meae. Doce me facere voluntatem tuam, quemadmodum faciunt Angeli tui in caelo. Fac in me quod est placitum coram te per dilectum Filium tuum, qui descendit de caelo, ut faceret voluntatem tuam, factus obediens usque ad

C 3. mor-



mortem; & quæ placita tibi,  
fecit semper.

*Panem nostrum quotidianum.*

**O** Culi omnium in te sperant,  
Domine, & tu das escam  
illorum in tempore opportuno:  
aperis tu manum tuam, & im-  
ples omne animal benedictione.  
Sicierunt Patres nostri, & invo-  
caverunt te, & data est illis aqua  
de petra durissima. Pluisti illis  
manna ad manducandum, & pa-  
ne caeli saturasti eos.

Qui das omnibus inspiratio-  
nem, & vitam: qui das escam  
omni carni, benefaciens, dans  
pluvias, & tempora fructifera,  
implens cibo, & lætitia corda  
nostra: qui pascis me a iuven-  
tute mea, tribue victui meo ne-  
cessaria.

Qui

Qui indigentibus das sapien-  
tiam, & petentibus das spiritum  
bonum, ciba me pane vitæ, &  
intellectus; & pota me aqua sa-  
pientia salutaris, ut quæ sursum  
sunt sapiam; non quæ super ter-  
ram. Spiritus tuus super mel  
dulcis; & dulcia faucibus meis  
eloquia tua. Da sitienti aquam  
vivam, ut non sitiam in æternum.

Qui parasti mihi mensam in  
conspectu meo adversus omnes  
qui tribulant me, da mihi pa-  
nem de caelo verum. Da mihi  
carnem tuam, quæ vere est ci-  
bus; & sanguinem tuum, qui  
vere est potus, ut ambulans in  
fortitudine cibi illius usque ad  
montem sanctum tuum edam,  
& bibam super mensam tuam in  
Regno tuo.

C 6

Et

*dimitte nobis debita nostra.*

**M**isereris omnium, Domine, quia potens es, & dissimulas peccata hominum propter penitentiam; diligis enim omnia, quae sunt, & nihil odisti eorum, quae fecisti. Nihil enim odians aliquid constituisti, aut fecisti; parcis autem omnibus, quia tua sunt, Domine, qui amas animas.

Peccavimus cum Patribus nostris; injuste egimus; iniquitatem fecimus. Patres nostri non intellexerunt mirabilia tua; non fuerunt memores multitudinis misericordiae tuae: & nos peccavimus in conspectu tuo; peccavimus ante oculos tuos.

Si iniquitates observaveris Domine-

mihae, Domine, quis sustinebit? Memor esto nostri, & ne vindictam sumas de peccatis nostris; quoniam non obediimus praeceptis tuis, & mandata tua non custodivimus. Ostende misericordiam tuam super nos: absconde indignationem tuam: memor esto Testamenti tui, & da gloriam nomini tuo.

Non intres in iudicium cum servo tuo, quia non iustificabitur in conspectu tuo omnis vivens. Reminiscere miserationum tuarum, & misericordiarum tuarum, quae a saeculo sunt; & delicta juventutis meae, & ignorantias meas ne memineris; sed propter nomen tuum propitiare peccato meo; multum est enim.

Multae sunt iniquitates meae, & multa peccata mea; iniquitates

tes meæ supergressæ sunt caput meum, & sicut onus grave gravatæ sunt super me. Ne recorderis iniquitatum mearum, & ne visites peccata mea; sed in misericordiis tuis multis dimitte mihi.

Et quoniam commendasti charitatem tuam in nobis, cum adhuc inimici essemus, reconciliati per mortem Filii tui; & nos dimittimus fratribus nostris, scientes quod si dimiserimus, dimittes nobis, Pater cælestis, peccata nostra.

*Et ne nos inducas  
in tentationem.*

**D**omine, quid multiplicati sunt, qui tribulant me? Multi insurgunt adversum me; mul-

multi dicunt animæ meæ; non est salus ipsi in Deo ejus; Deus dereliquit eum; non est, qui eripiat. Volunt me perdere inimici mei; circumdederunt animam meam; irruerunt in me fortes; gloriantur in virtute sua, & nesciunt, quia tu es Deus noster.

Tu autem, Domine, susceptor meus es; Deus Dominus, fortitudo mea, adjutor, & protector meus. In te speravit cor meum; invocabo te, & exaudies me; in te eripiar a tentatione; non timebo, quoniam tu mecum es. Quis enim permansit in mandatis Domini, & dereliquit illum? Quis invocavit, & despexit illum? Nullus speravit in eo, & confusus est.

Nisi quia Dominus adjuvit me, paulo minus habitasset in in-

inferno anima mea. Cum ceciderim non sum collisus, quia Dominus supposuit manum suam: benedixit Deus, qui non dedit in commotionem pedes meos; eripuit pedes meos a lapsu.

Confitebor tibi, Domine Rex, & collaudabo te Deum Salvatorem meum; confitebor nomini tuo, quoniam adiutor factus es mihi; liberaisti me a perditione, & in medio ignis non sum consumptus.

Ad te igitur oculi mei; exaudi vocem ejus, qui nullam aliam spem habet, & libera me de manibus inimicorum meorum: contere fortitudinem eorum, & disperge eos: fugiant a facie tua, & robur eorum conteratur: da mihi in animo constantiam, & virtutem, ut evertam illos.

Ne

Ne tradas me a desiderio meo peccatori; ne des Sanctum tuum in pollutionem, & ne permittas me servum tuum coinquinari, & sequi concupiscentiam cordis mei; ne cadam, sed per tentationes fidelis transeam, ne fiam in opprobrium, & gaudium inimicis meis.

---

*Sed libera nos a malo.*

**C**ircumdederunt nos mala, quorum non est numerus; & cum ignoremus, quid agere debeamus, hoc solum habemus residui, ut oculos nostros dirigamus ad te. Tu refugium nostrum, & virtus in tribulationibus, quæ invenerunt nos nimis.

Domine Deus Omnipotens Dominator cælorum, audi oratio.

tionem nostram; inclina aurem tuam ad precem nostram, qui non derelinquis quærentes te, & exaudis sperantes in te. In te speraverunt Patres nostri; speraverunt, & liberaſti eos; ad te clamaverunt, & salvi facti sunt; in te speraverunt, & non sunt confuſi: ne despicias nos in tribulatione nostra; libera nos a malis.

Qui recordatus es Abraham, Isaac, & Jacob; qui liberaſti Joseph in tempore angustia suæ; qui eripuisti David de manu Sauli, & tres pueros credentes de flamma; qui populum tuum de magnis periculis eruiſti, exaudi nos propter invocationem nominis tui; neque est enim alius Deus, qui fortitudini tuæ possit comparari.

Aufer omnem languorem;

au.

aufer gladium, & pestilentiam; & egellatam; longe fac maledictiones, quas cominatus fuisti populo tuo, si nollet audire legem tuam; & veniant uniuersæ benedictiones super nos, quas promissisti, si mandata tua custodiret. Invocamus te, & extendimus ad te manus nostras Deus Omnipotens.

Et die, ac nocte invocabimus te, qui sicut semper, ita nunc adjuvabis, & non auferes misericordiam tuam; & si corripimur in adversis, non derelinques nos, & non expectabis in die iudicii, ut punias in æternum: Benedictus Dominus in æternum. Fiat. Fiat.

HO.

## HORA TERTIA.

*Repleti sunt omnes  
Spiritu Sancto.*

Act. 2.

**D**omine Deus meus, qui hora diei tertia super Apostolos tuos expectantes promissionem Patris, quam audierant per os tuum, misisti Spiritum Sanctum, effunde super me, & super omnem carnem de Spiritu Sancto tuo.

Repleat, Domine, cor meum, & mentem meam, sicut replevit totam domum, ubi erant sedentes discipuli tui: veniat de celo ignis tuus sanctus, quem venisti mittere in terram, ut accipiens virtutem Spiritus Sancti in me, possim loqui magnalia tua.

In-

Induar, Domine, virtute ex alto, ut loquar cum fiducia verbum tuum: veniat Spiritus veritatis, qui doceat me omnem veritatem, & suggerat, quicumque dixi: mitte Spiritum gratiæ, & precum, clamantem Abba Pater, qui postulet pro nobis gemitibus inenarrabilibus.

Habitet in me, & operetur in me, & deducat me in viam rectam, ut perveniam ad Regnum celorum, & cum Angelis, & Sanctis tuis laudem te in sæcula sæculorum. Amen.

AN.

---

 ANTE CONFESIONEM.

*Vade, & ostende te Sacerdoti,*  
Matth. 14.

*Divinam misericordiam exultat.*

**I**niquitates meæ in conspectu tuo, Domine; non sunt occultata ab oculis tuis: investigabis abscondita mea, & celari non potero; non abscondar in die furoris tui; non abscondar a facie sedentis super thronum, & ab ira agni.

Tu autem, Domine, suavis, & verus es, & in misericordia disponens omnia: & si enim peccavi, tuus sum. Non secundum vias meas malas, nec secundum scelera mea pessima, sed propter

no-

nomen tuum placatus mihi eris, & exaltaberis parcens mihi.

Memento mei Deus meus, & parce mihi secundum multitudinem miserationum tuarum. Deprecabor vultum tuum, ut miserearis mihi, & avertas iram indignationis tuæ a me.

---

*Scrutatur vias suas,*

**ET** nunc, Domine, ingredior in interiora cordis mei, ut considerem vias meas; Deus paterne, qui absconditorum es cognitor, qui scrutaris corda hominum, peccata mea itaque contra faciem meam; occulta mea manifesta mihi, ut compungar coram te, & convertar ad te Deus meus.

Plo-

*Plorat in amaritudine; & statuis  
custodire viam Domini.*

**H**umiliata est in conspectu  
tuo anima mea; emolli-  
tum est cor meum; conturbata  
sunt viscera mea. Peccavi, Do-  
mine, peccavi; inique egi; ini-  
quitatem feci; declinavi a man-  
datis tuis; non custodivi legem  
tuam; ad amaritudinem conci-  
tavi te, Dominum Deum meum:  
przvaricatus sum in te, quem  
diligio ex toto corde, & super  
omnia.

Super hoc plorabo in fletu;  
plorabo in amaritudine animæ  
meæ; ingemiscam in contritio-  
ne peccatorum meorum; lo-  
quar in tribulatione spiritus  
mei; quam amarum est dereli-  
quis.

quisse Dominum Deum meum.

Recordor viarum mearum,  
& scelerum meorum, quibus  
pollutus sum, & displiceo mihi  
in omnibus malitiis meis. Det-  
estor peccata mea, & iniquitates  
meas odio habeo, & universas  
abominationes, quas operatus  
sum.

A mandatis tuis non recedam  
amplius; a semitis tuis non de-  
clinabo: custodiam legem tu-  
am; ambulabo in novitate vi-  
tæ, & pœnitentiam agam ab  
omnibus peccatis meis.

*Accedit ad thronum gratiæ.*

**E**T nunc, Domine, accedam ad  
thronum gratiæ, ut miseri-  
cordiam consequar, & gratiam  
inveniam: accedam ad lava-  
D crum,



rum, ut munder ab omnibus iniquitatibus meis. Non abscondam peccatum meum, & non celabo in sinu meo iniquitatem meam. Vadam, & ostendam me Sacerdoti: Itabo coram ipso in delicto meo, & ad pedes ejus portabo iniquitatem meam. Aperiam os meum in confusione mea; revelabo abscondita mea; confitebor peccata mea, & expectabo humilis consolationem tuam.

---

*Sperat remissionem.*

**L**Avabor in Sanguine tuo, & recipiet sanitatem anima mea. Auferes iniquitatem meam, & peccata mea mundabuntur coram te; solves vincula mea, & sicut in sereno glacies, sol.

solventur peccata mea; indues me vestimentis sanctis, & dabis coronam decoris capiti meo, & fiet anima mea decora nimis vehementer.

---

*Sanctificari postulas,  
& renovari.*

**S**UScipe igitur, Domine, peccatorem contritum, & humiliatum; suscipe ovem, quæ periiit, & redit ad Pastorem suum; suscipe indignum filium, qui peccavit in Cælum, & coram te, & revertitur ad Patrem suum.

Sana vulnera mea unguens oleo leriitæ; erige jacentem super faciem terræ; subleva humiliatum usque ad inferos, ut respiret in lucem miserationum tuarum.

D 2 In.

rum, ut munder ab omnibus iniquitatibus meis. Non abscondam peccatum meum, & non celabo in sinu meo iniquitatem meam. Vadam, & ostendam me Sacerdoti: Itabo coram ipso in delicto meo, & ad pedes ejus portabo iniquitatem meam. Aperiam os meum in confusione mea; revelabo abscondita mea; confitebor peccata mea, & expectabo humilis consolationem tuam.

---

*Sperat remissionem.*

**L**Avabor in Sanguine tuo, & recipiet sanitatem anima mea. Auferes iniquitatem meam, & peccata mea mundabuntur coram te; solves vincula mea, & sicut in sereno glacies, sol.

solventur peccata mea; indues me vestimentis sanctis, & dabis coronam decoris capiti meo, & fiet anima mea decora nimis vehementer.

---

*Sanctificari postulas,  
& renovari.*

**S**UScipe igitur, Domine, peccatorem contritum, & humiliatum; suscipe ovem, quæ periiit, & redit ad Pastorem suum; suscipe indignum filium, qui peccavit in Cælum, & coram te, & revertitur ad Patrem suum.

Sana vulnera mea unguens oleo leriitæ; erige jacentem super faciem terræ; subleva humiliatum usque ad inferos, ut respiret in luce miserationum tuarum.

D 2 In.

Instaura templum tuum; re-  
nova domum tuam; purifica  
Sanctuarium tuum; adorna tha-  
lamum tuum; reforma imagi-  
nem tuam, & redeat super illam  
splendor vultus tui. Descendat  
super illam Spiritus Sanctus,  
eamque sanctificet, ut iustifica-  
tus decedens, sim cum vivis, &  
dantibus confessionem tibi, &  
gloriet in miserationibus tuis,  
Domine Deus meus.

---

POST CONFSSIONEM.

*Sanus factus es; jam noli  
peccare. Joan. 5.*

*Laudat, & gratias agit.*

**D**irupisti vincula mea; pe-  
percisti animæ meæ; re-  
conciliasti me tibi per Sangui-  
nem

nem Filii tui, & in misericor-  
dia sempiterna miseratus es mei.  
Quis similis tui, Domine, qui au-  
fers iniquitatem? Deponis ini-  
quitates nostras, & projicis in  
profundum maris peccata no-  
stra. Magna est, Domine, mila-  
ratio tua, & multæ misericordiæ  
tuæ.

Ego autem in voce laudis im-  
molabo tibi; exaltabo te, & læ-  
tabor in misericordia tua. Be-  
nedicat tibi anima mea, & con-  
fiteatur; quam magna miseri-  
cordia Domini, & propitiatio  
illius convertentibus ad se.

---

*Postulat perseverantiam.*

**Q**ui sanus factus sum, nolo  
amplius peccare. Non re-  
cedet cor meum a te, Deus meus;

D 3 Non

non discedam a te, quoniam  
vivificasti me. Ambulabo in se-  
mitis tuis, & renovabor de die  
in diem.

Tu autem, qui dedisti mihi  
pœnitenti viam iustitiæ, confir-  
ma, & sustine deficientem. Da  
timorem tuum in corde meo,  
ut non recedam a te; sed am-  
bulem in via bona, & serviam  
tibi omnibus diebus vitæ meæ.

Custodi animam meam, ut sit  
vas in sanctificationem, & ho-  
norem ad gloriam nominis san-  
cti tui, & in æternum glorifice-  
ris cum Sanctis tuis, qui te lau-  
dabunt in sæcula sæculorum,  
Amen.

ANTE

---

ANTE SACRUM

VEL

IN AUDITIONE SACRI.

*Immolabo coram Domino.*  
Levit. 6.

*Offert holocaustum.*

**D**omine Deus omnium; ter-  
ribilis, & fortis; iustus,  
& misericors, qui sedes super  
excelsum thronum, & glorifi-  
cas Majestatem domum sanctam  
tuam, suscipe (de manibus  
meis) in oblationem suavissimi  
odoris, Corpus, & Sanguinem  
pretiosi agni, & immaculati Fi-  
lii tui, Jesu Christi; quem ho-  
die offero Omnipotenti Deo ex-

D 4 cel.

celso in loco isto, quem elegisti  
in domum sacrificii.

Hæc est illa oblatio munda,  
quæ in omni loco sacrificatur,  
& offertur nomini sancto tuo.  
A solis enim ortu, & occasu  
magnum est in gentibus nomen  
tuum; magna est gloria tua.  
Veniant omnes gentes, & ado-  
rent coram te, Domine, quia tu  
es Deus solus in universa terra.

Offerat universa multitudo  
hoc holocaustum mente devota,  
quemadmodum Unigenitus ipse  
Filius tuus obtulit semetipsum,  
& quotidie se offert super pla-  
cabile altare tuum in holocau-  
stum sempiternum.

Aperiantur Cæli, & Angeli  
tui ascendant, & descendant in  
hac hora super Filium hominis:  
adorent illum super altare san-  
ctum, & cantent canticum no-  
vum,

vum, quem in cælis cantant  
stantes in circuitu throni, & in  
conspectu agni.

Dignus est agnus, qui occisus  
est, accipere virtutem, & divi-  
nitatem, & sapientiam, fortitu-  
dinem, & honorem, & gloriam,  
& benedictionem.

Veniat de cælo ignis tuus san-  
ctus, & descendat super hoc al-  
tare: descendat plenitudo, &  
sanctificatio tuæ Divinitatis; Spi-  
ritus Sancti invisibilis, incom-  
prehensibilisque Majestas, sicut  
quondam in hostias Patrum; ut  
in spiritu ardoris hoc sacrifici-  
um offeramus, & ascendat ante  
sublime altare tuum hoc holo-  
caustum hostiæ salutaris.

Per ipsum etiam offerimus  
nos ipsos spirituales hostias, qui  
mortuus est, ut nos offerret Deo  
viventem, & fiat tibi acceptabilis

D 5 obla-

oblatio nostra per eundem dilectum Filium tuum Jesum Christum.

*Sacrificium Eucharisticum.*

**M**Emores etiam, Domine, miserationum tuarum, & multitudinis bonorum, quæ largitus es nobis secundum indulgentiam tuam, gratias agimus tibi, & colimus te, omnipotens æterne Deus, in hostiis, & muneribus.

Tu enim dedisti nobis Filium tuum Unigenitum, qui dilexit, & lavit nos a peccatis nostris in sanguine suo; Mediatorem novi testamenti; Pontificem futurorum bonorum; Sanctiorum Ministrum, & tabernaculi veri.

Qui cum sit Sacerdos in æternum

num secundum ordinem Melchisedech, in qua nocte tradebatur, accepit panem, & gratias agens fregit, & dixit: Hoc est corpus meum, quod pro vobis tradetur; hoc facite in meam commemorationem.

Similiter, & calicem, postquam cœnavit, dicens: Hic calix novum testamentum est in meo sanguine; hoc facite, quotiescumque bibetis, in meam commemorationem.

Gratias igitur agentes super hoc inenarrabili dono dilecti Filii tui, & cæteris donis tuis, offerimus tibi hoc sacrificium recordationis, eundem Filium tuum Jesum Christum, ut sit memoriale in æternum super altare tuum in conspectu Divinæ Majestatis tuæ.

*Sacrificium propitiatorium.*

**A** Ccedo etiam, Domine, ego indignus servus tuus, quem constituiti Sacerdotem ad offerendum munera, & hostias pro peccatis, & delictis populi, ad altare tuum cum vero corde, & plenitudine fidei, ut offeram hanc placabilem hostiam Divinz Majestati tuæ, eundem Filium tuum Unigenitum Jesum Christum:

Qui cum maneat in æternum, sempiternum habet Sacerdotium; unde, & salvare in perpetuum potest accedentes per semetipsum ad te Deum vivum. Talis enim decebat, ut nobis esset Pontifex, sanctus, innocens, impollutus, segregatus a pecca-

to-

toribus, & excelsior cælis factus; qui non per sanguinem hircorum, aut vitulorum, sed per proprium sanguinem introivit semel in sancta, æterna redemptione inventa.

Hic est sanguis testamenti, in quo sanctificati sumus; quem voluit offerri usque ad consumationem sæculi, ad placandum te Patrem suum pro peccatis nostris, & totius mundi. Accedimus ad novi testamenti mediatorum Jesum, & sanguinis asperisionem melius loquentem, quam Abel.

Protektor noster adspice Deus; & respice in faciem Christi tui, qui dedit semetipsum oblationem, & hostiam in odorem suavitatis; per quem placuit tibi reconciliare omnia in ipsum, sive quæ in terris; sive quæ in cælis sunt.

Pro-

Propitiare ergo populo tuo; propitiare omnibus iniquitatibus eorum, qui prævaricati sunt in terra, & da misericordiam coram eis. Non enim corruptilibus auro, vel argento redempti sumus; sed pretioso sanguine quasi agni, & immaculati Filii tui, in quo habemus redemptionem, & remissionem peccatorum secundum divitias gratiæ ejus.

*Sacrificium Imperatorium.*

**R**espice, omnipotens Deus, de Sanctuario tuo, & de excelso calorū habitaculo, & suscipe hoc sacrificium pro universo populo tuo. Per ipsum ad te accedimus, qui in diebus carnituz preces, supplicationesque

of.

offerens cum clamore valido, & lacrymis exauditus est pro sua reverentia; qui sedens ad dexteram tuam etiam nunc interpellat pro nobis.

Rogabit te, populus tuus, Dominum excelsum in prece, usque dum perfectus sit honor tuus in consumatione sanctæ oblationis. Angelus etiam Sanctus tuus, qui stat ante altare tuum, offerat preces nostras super hoc altare, & ascendat fumus incensorum de orationibus nostris coram te.

Domine Deus omnium, qui magna fecisti in omni terra; qui auxisti dies nostros a ventre matris nostræ, memor sis sacrificii nostri, & fac in nobis secundum omnem bonitatem, & secundum omnem mansuetudinem tuam.

Pro.



Protege Deus meus Ecclesiam, quam fundasti, & quem constituisti summum Sacerdotem gentis tuæ, & quos Episcopos posuit Spiritus Sanctus. Adducantur oves, quæ non sunt ex hoc ovili, & fiat unum Ovile, & unus Pastor.

Recordare etiam eorum, qui cum pietate dormitionem acceperunt, pro quibus offerimus hoc pretium redemptionis, & victimam salutis; ut ingrediantur civitatem sanctam Hierusalem, & quiescant in gloria tua, laudantes te in sæcula sæculorum. Amen.

Propitiare populo tuo, & hereditati tuæ, quæ stat coram altari tuo, & offert in hoc Templo sancto tuo hoc sacrificium, oblationem perpetuam in generationes nostras. Custodi partem tuam,

tuam, & sanctifica, qui solus es bonus, solus præstans, solus iustus, & misericors; per eundem Filium tuum Jesum Christum, per quem est tibi gloria in Ecclesia in omnes generationes sæculi sæculorum. Amen.

---

P R Æ P A R A T I O

A D

SACRIFICIUM.

*Ingredientur  
in Sanctuarium meum,  
ut ministrent mihi.*

Ezech. 44.

**I**ntroibo in Tabernaculum tuum Domine; introibo in domum tuam; adorabo ad Templum sanctum tuum; ingrediar in

in sanctuarium tuum; in Sancta Sanctorum. Accedam ad altare tuum; ad altare holocausti; ad mensam plenam pinguedine, atque dulcedine. Hæc est mensa purissima, atque mundissima coram Domino.

Ponam sanctum panem super altare tuum in monumentum sanctæ oblationis; panem desiderabilem, habentem omne delectamentum, & omnem saporem suavitatis. Offeram holocaustum Deo cæli, & comedam preparatum, & consecratum Domino in loco sancto.

Quis ego sum, ut sim sacerdos Dei Altissimi? Quis ego sum, ut elegeris me, offerre tibi sacrificium Deo vivo, & vero, & placare pro populo tuo? Ut pares jure convivium, & ponas inter convivas mensæ tuæ?

Quis

Quis operatus est, & fecit hæc? A Domino factum est istud. O altitudo divitiarum sapientiæ, & scientiæ Dei! Memoriam fecisti mirabilium tuorum: mirabiles Deus altissime adventiones tuæ: Domine, quis similis tibi?

Fac me sacerdotem sine macula, habentem voluntatem in lege tua, & constitue me immaculatum in conspectu tuo, ut digne ministrem in Sanctuario tuo. Indue me veste sancta in gloriam, & decorem; vestimentis salutis, & indumento iustitiæ circunda me; stola gloriæ circumcinge me.

Sanctifica offerentis manus, quas consecrasti in die unctionis suæ, ne polluam Sanctuarium tuum, & oblationem, sed levem eas puras in ascensu altaris sancti ad immolandum Domino Deo excelsio. San-

Sanctifica animam desideran-  
 tem te; animam quærentem te;  
 animam sitientem te. Sanctifica  
 cor meum, ut sit templum Dei  
 vivi; habitaculum sanctum Do-  
 mino; & reple me caelesti bene-  
 dictione, & gratia; ut sim san-  
 ctus corpore, & spiritu; & fiat  
 oblatio hæc accepta, & sanctifi-  
 cata in Spiritu Sancto; & sacri-  
 ficium meum in conspectu tuo  
 hodie, ut placeat tibi Domine  
 Deus meus.

---

AFFECTUS ANIMÆ  
 HORA SACRIFICII.

*Sitivit anima mea  
 ad Deum vivum.*  
 Psalm. 47.

**E**Xpectabo Deum Salvatorem  
 meum, & præstolabor eum,  
 dum prope est: inveniam lo-  
 cum Domino; tabernaculum  
 Deo Jacob. Veni, Domine, &  
 noli tardare: excita potentiam  
 tuam, & veni: veni, & imple  
 omne desiderium meum. Sitivit  
 anima mea ad te Deum vivum:  
 occurre sitienti animæ meæ.

Veni, & introducam te, &  
 suscipiam te gaudens in domum  
 meam: habitabis in me, &  
 quasi in thalamo tuo morabe-  
 ris.

ris. Mirabitur, & dilatabitur  
cor meum; & sicut adipe, &  
pinguedine replebitur anima  
mea: replebuntur viscera mea:  
abundantia perfruar, & bene-  
dictionibus tuis plenus ero.

Ne timeas anima mea: venit  
Dominus confortans te; lxta-  
re, & gaude gaudio magno,  
quia venit tibi Salvator. Exulta,  
& lxtare; appropinquat tem-  
pus visitationis tue; dilata lo-  
cum tentorii tui. Tabernaculum  
tuum extende; appropinquat  
tibi Deus tuus; egredere in  
occursum Dei tui; propera in  
adventum Salvatoris tui.

---

*In sumptione Sacramenti.*

**D**ilata os tuum, & implebo  
illud: ecce venio. Veni  
Domine Jesu; imple animam  
meam Majestate tua; & cor  
meum inenarrabilibus thesauris  
tuis.

---

*Post sumptionem Sacramenti.*

**D**ominus meus, & Deus meus.  
Humiliare anima mea, &  
adora: exulta, & lxtare: Deus  
tuus in medio tui: in medio tui  
Salvator tuus; Sanctus Israel.

## POST SACRUM.

*Non defrauderis a die bono,  
& particula boni doni  
non te pratercreat.*

Eccle. 14.

*Admiratur intra se Deum suum.*

**D**ominus meus, & Deus meus; in quem non videns credo; quem diligo, & adoro; quid est homo, quod memor es ejus; aut filius hominis, quod visitas eum? Recede a me, Dominator cælorum; recede a me, quia ego homo peccator sum. Non sum dignus vocari filius tuus.

Et unde hoc mihi, ut veniat Dominus meus ad me? Et quis locus iste habitationis tuæ; locus

cus requiei tuæ, Deus meus, Salvator meus? Posui abominaciones in domo tua; contaminaui eam; egressus est ab ea omnis decor ejus: sed tu abluis fordes ejus; aufers uniuersa inquinamenta de medio ejus; imples illam decore, & gloria; & illam glorificas maiestate tua.

Circumspice Hierusalem, & vide iucunditatem a Deo tibi venientem; venit tibi gaudium a sancto super misericordia, quæ venit tibi ab æterno salutaris tuo. Mirabilia fecit tecum Omnipotens; mirabilia operatus est in te; recordatus est tui, & visitauit te. Maiestas Domini ingressa est in te, & repleta est splendore gloriæ Dei tui.

Abundavi delictis in bonitate tua magna, Domine: præsentia tua delectatus sum; in te

E pax,

pax, & delectatio cordis; replesti pace animam meam; repletus sum ab ubere consolationis; delitiis afflui ab omni moda bonitate tua.

Roborasti animam lassam, & animam esurientem saturasti; pane sancto vitæ æternæ cibasti me. Carnem tuam manducavi, & comedi de sacrificio, quod obtuli super placabile altare tuum. Calice salutari inebriatus sum, & bibi sanguinem immaculatæ victimæ, quam immolaui Domino Deo meo. Repletus sum fortitudinē spiritus Domini.

*Exultat in Deo suo.*

**G**Audens igitur gaudebo, & exultabit anima mea in Deo meo. Exultabit anima mea in Do-

Domino, & delectabitur super salutari suo. Cor meum, & caro mea exultaverunt in Deum vivum. Exultabo in Domino, & in Sancto Israel lætabor; lætabor, & exultabo in Deo Jesu meo.

Exulta, & lauda habitatio Sion, quia magnus in medio tui Sanctus Israel. Lauda Sion, & lætare, & exulta in omni corde filia Hierusalem; exulta, & lætare, quia magnificavit Dominus ut faceret; juba filia Sion; exulta, & lætare in Domino Deo tuo, in Deo sancto tuo.

*Laudat, & gratias agit.*

**Q**uid autem retribuam tibi Deus meus? Quid retribuam? Quanta fecisti animæ  
E 2      mea?

mex? Sacrificium laudis immo-  
labo tibi; reddam tibi Altissime  
vota mea: miserationum tua-  
rum, Domine, recordabor; lau-  
dabit te anima mea, & omnia  
ossa mea dicent: Domine, quis  
similis tibi? Exaltabo te, & be-  
nedicam te in latitia; in actione  
gratiarum, & canticis; in can-  
ticis laborum meorum, confi-  
tebor tibi, quoniam fecisti mira-  
bilia.

Benedic anima mea Domino,  
& omnia, quæ intra me sunt,  
nomini sancto ejus; benedic  
anima mea Domino, & noli  
oblivisci omnes retributiones  
ejus: magnalia enarra operum  
ejus, & mirabilia adinventio-  
num ejus.

Laudem dicite Angeli ejus;  
laudem dicite servi ejus: bene-  
dicat te, Domine, omnis creatu-  
ra,

ra, & magnificet te in laude,  
quia mirificasti misericordiam  
tuam mihi, & consolatus es me:  
visitasti me, & parasti in dulce-  
dine tua pauperi Deus.

---

*Cor suum effundit ad Deum suum.*

**I**Nveni quem diligit anima  
mea: quid aliud est mihi in  
cælo, & a te quid volui super  
terram? Defecit caro mea, &  
cor meum, Deus cordis mei, &  
pars mea Deus in æternum.  
Quis mihi det, ut cognoscam  
te, qui es intra me? Domine,  
ut videam.

Sonet vox tua in auribus  
meis; reple me inenarrabilibus  
verbis tuis; trahere me post te  
in odorem unguentorum tuo-  
rum. Gustavi, & vidi, quoniam

E 3 sua.

suavis es: liquefacta est anima mea; intremui ad tactum tuum; tetigi Sanctum Domini; concaluit cor meum intra me; concepi ardorem, & inflammatus sum: vulnerasti cor meum.

Quis me separabit a te? Non dimittam te, nisi benedixeris mihi. Reple me caelesti benedictione, & gratia tua divitias in me abundanter effunde; aperi mihi fontem aquae vivae; aperi mihi thesaurum tuum; thesaurum desiderabilem; thesaurum non deficientem, ut admirer in plenitudine sancta, & glorificem te in hac die visitationis tuae; in hac die epularum, atque laetitiae; in die laetitiae cordis mei.

Reple me omni gaudio, & pace in credendo, ut abundem in spe, & virtute Spiritus Sancti; & charitas magis, ac magis abundet.

abundet in corde meo; & implear in omnem plenitudinem tuam.

Effundo animam meam in conspectu tuo. Recordare mei, quoniam visitasti me: respice in me, & miserere mei: sana me, quoniam infirmus sum; & tu venisti, ut curares me: ostende in me fortitudinem tuam, & tuere ab his, qui me persequuntur. Multi, qui persequuntur me, & tribulant me. Tu fortitudo mea; tu robur meum; tu refugium meum.

Venisti ad me in fortitudine tua. Speravi in Domino Deo forti. Contere eos, & destrue illos illustratione adventus tui; praebere fortitudinem servo tuo; da virtutem; multiplica robur ejus, & sit, Deo secum morante, confortatus.



Sanctifica cor meum, in quo  
posuisti tabernaculum tuum;  
evelle spinas, quas germinavit;  
consume rubiginem ejus; con-  
fringe tumentes fluctus ejus. Ir-  
riga; flecte; innova; immuta;  
illumina; accende; inflamma,  
ut cognoscam mirabilia tua, &  
potentiam tuam, & virtutem  
praesentis tuae, & sciam, quia es  
in medio mei Salvator meus.

*Pro sancta Morte.*

**I**N hora mortis meae conforta  
me, Deus meus; & refice hoc  
pane vitae, antequam moriar, ut  
vivam in aeternum cum electis  
tuis, qui ad coenam magnam Dei  
vocati sunt, & sedent tecum in  
regno tuo, sicut tu sedes in  
throno Patris tui in regno  
ejus.

ejus, regnans in saecula saeculo-  
rum. Amen.

**DIEM FESTUM AGIT  
DEO SUO.**

*Et adorantes reversi sunt  
cum gaudio magno,  
laudantes, & benedicentes  
Deum. Act. 1.*

**H**odie salus huic domui facta  
est. Venit filius hominis.  
Hosanna filio David! Benedi-  
ctus, qui venit in nomine Domi-  
ni, rex Israel! Hosanna in al-  
tissimis!

Et nunc, Domine, dimitte ser-  
vum tuum in pace. Conforta-  
tus in te, refectus, & saturatus  
egredior de sanctuario tuo.  
Memoria memor ero; memor  
E 5            ero

ero mirabilium tuorum; recordabor nominis tui; & memoriale tuum in desiderio animæ.

Cogitatio cordis mei confitebitur tibi; & reliquæ cogitationis diem festum agent tibi. Meditabor in operibus tuis, & in adinventionibus tuis exercebor. Non recedet laus tua ab ore meo, quia magna mihi fecisti hodie. Tota die benedicam tibi; tota die cantabo laudem tuam.

Ne elongeris a me Deus meus; mane apud me, ut ducam lætam diem, & ambulans in fortitudine cibi istius, viam mandatorum curram, quia dilatasti cor meum; & visitatio tua, & pax tua, quæ exsuperat omnem sensum, custodiat spiritum meum in hac die, & in diem æternitatis. Amen.

AP.

---

APPLICATIO SENSUUM.

*Omnes scientes venite ad aquas: comedite bonum; & dilatabitur in crassitudine anima vestra. Isa. 55.*

*Contemplatur Deum suum.*

**I**Nveni, quem diligit anima mea. Quid mihi est aliud in cælo, & a te quid volui super terram? Defecit caro, & cor meum, Deus cordis mei, & pars mea Deus in æternum.

O Adonai! O splendor gloriæ, & candor lucis æternæ, lumen delectabile, lux vera, quæ illuminas mentes hominum! Quis mihi det, ut cognoscam te, qui es intra me?

E 6 Oſten-

Ostende faciem tuam, in quam desiderant Angeli prospicere.

Quam pulcher es, & decorus, totus desiderabilis! Domine, ut videam. Aperi oculos meos; fulgura coruscationes; emitte radios ab illuminatione vultus tui, & imple splendoribus tuis animam meam.

---

*Audit Deum suum.*

**A** Udiam, quid loquaris in me Deus meus. Qui per os Sanctorum tuorum Prophetarum loquebaris, & veniens in mundum, os tuum aperuisti, ecce ades. Loquere ad cor meum; loquere, quia audit servus tuus.

Sonet vox tua in auribus meis; vox enim tua dulcis: mel, & lac sub lingua tua; fa-

vus

vus distillans labia tua. Verba vitæ æternæ habes: fons sapientiz verbum tuum: ignitum vehementer eloquium tuum: loquere, Domine, loquere; reple me incnarrabilibus verbis tuis.

---

*In ejus odorem currit.*

**E**X odore unguenti impleta est anima mea. Odor tuus, Domine, sicut odor agri pleni; odor tuus super omnia aromata. Trahe me post te in odorem unguentorum tuorum.

O salutaris victima, quæ præ hostiis patrum in odorem suavitatis ascendisti in conspectu Altissimi, suscipe cor meum in oblationem suavissimi odoris; & impinguet altare tuum, & sit odor suavissimus in conspectu tuo.

Gn.

*Gustat Deum suum.*

**C**Omedi, & factum est in ore meo, sicut mel dulce. Quam magna multitudo dulcedinis tuæ, Domine! Gustavi, & vidi, quoniam suavis es: liquefacta est anima mea.

Caro tua cibus ad vescendum suavis; manna absconditum; fava dulcissimus gutturi meo. Sanguis tuus, potus lætificans cor meum; calix tuus inebrians. Convertetur mihi omne amarum in dulce, præ abundantia saporis tui.

*Vul-**Vulneratur charitate.*

**I**Ntremui ad tactum tuum; intremui, & expavi. Tetigi Sanctum Domini. Anima mea conglutinata est Deo meo. Concaluit cor meum intra me. Concepi ardorem, & inflammatus sum. Repletus sum fortitudine; vulnerasti cor meum.

Quis me separabit a te? Non dimittam te. Mane in me, & ego in te, ut vivam propter te: immo non ego vivam, sed tu in me. Sana me; conforta me; corrobora me; vivifica me; sanctifica me.

Ponam te, ut signaculum super cor meum, ne veniant alieni super sanctificationem domus tuæ; & sit anima mea locus sancti.

Ai.

etificationis tuæ, in quo glorificeris Deus meus; cui onor, gloria, & imperium in sæcula sæculorum. Amen.

---

ANTE COMMUNIONEM  
SACRAMENTALEM.

*Parasti mihi mensam  
in conspectu tuo.*  
Psalm. 22.

**A**ccedam, Domine, ad altare tuum; ad altare holocausti; ad mensam plenam pinguedine, atque dulcedine. Hæc est mensa purissima, atque mundissima coram Domino. Accedam, & comedam panem sanctum; panem desiderabilem, habentem omne delectamentum, & omnem saporem suavitatis, præ-

pa-

paratum Domino, & consecratum in loco sancto.

Quis ego sum, ut pares mihi iuge convivium, & ponas me inter convivas mensæ tuæ? Quis ego sum, ut tangam sanctum tuum, & pascas me pretioso corpore, & sanguine tuo? Quis operatus est, & fecit hæc? A Domino factum est istud. O altitudo divitiarum sapientiæ, & scientiæ Dei! Memoriam fecisti mirabilium tuorum. Mirabiles, Deus Altissime, adinventiones tuæ! Domine, quis similis tibi?

Reple me cælesti benedictione, & gratia, ut sim sanctus corpore, & spiritu. Sanctifica animam desiderantem te; animam quarentem te; animam sitientem te. Sanctifica cor meum, ut sit templum Dei vivi; habitaculum sanctum Domino. Ve-

Ve.

Veni, Domine, & noli tardare: excita potentiam tuam, & veni. Veni, & imple desiderium meum; occurre sitienti animæ meæ. Sitivit ad te anima mea: veni, & introducam te, & suscipiam te gaudens in domum meam. Habitabis in me, & quasi in thalamo tuo moraberis. Mirabitur, & dilatabitur cor meum, & sicut adipe, & pinguedine replebitur anima mea. Abundantia perfruar, & benedictionibus tuis plenus ero.

Ne timeas anima mea; venit Dominus confortans te. Lxtare, & gaude gaudio magno, quia venit tibi Salvator. Exulta, & lxtare; appropinquat tempus visitationis tuæ; prope est hora; veniet, & non tardabit. Dilata locum tentorii tui;

ta-

tabernaculum tuum extende. Appropinquat tibi Deus tuus; egredere in occursum Dei tui; propera in adventum Salvatoris tui.

Dilata os tuum, & implebo illud. Ecce venio: Veni Domine Jesu. Amen.

---

ANTE STUDIUM.

*Omnis sapientia a Domino Deo est.*  
Eccle. 1.

**D**omine Deus Altissime, a quo omnis sapientia venit, qui posuisti sapientiam in visceribus hominum, dirige viam meam, & studia mea in gloriam tuam. Da mihi sapientiam, & intelligentiam, ut suscipiam ex ore tuo eruditionem doctrinæ,

&amp;

& honorem te in mirabilibus  
tuis.

Da mihi cor, ut sciam te, &  
non glorier in sapientia mea;  
sed in hoc glorier, scire, & nos-  
se te: scire enim te, consumma-  
ta sapientia est; & non judi-  
cem, me aliquid scire, nisi Je-  
sum Christum, & hunc crucifi-  
xum; & arbitrer, omnia detri-  
mentum esse propter eminentem  
scientiam Jesu Christi, qui  
tecum, & cum Spiritu Sancto  
vivit, & regnat, Deus, in secula  
seculorum. Amen.

---

AD PETENDAM PRUDEN-  
TIAM IN AGENDIS.

*Beatus, qui affluit prudentia.*  
Prov. 3.

**D**ominator virtutis, qui cum  
tranquillitate judicas, &  
cum magna reverentia disponis  
nos; tecum sapientia tua, quæ  
affluit tunc, cum orbem terra-  
rum conderes. Tuum est consi-  
lium, & æquitas; tua est pru-  
dentia; tua est fortitudo.

Intret sapientia in animam  
servi tui, qui minor sum ad  
intellectum iudicii, & legum:  
nam si quis consummatus fuerit,  
& ab ipso abfuerit sapientia  
tua, inter nihilum computabi-  
tur. Prudentia, & consilium cu-  
sto.

ardiant me, ut recta videant  
oculi mei, & in directione cor-  
dis iudicium loquar, confidens  
in te, qui illuminator es, Domi-  
ne Deus meus.

---

HORA SEXTA.

*Erant autem hora, quasi sexta;  
& crucifixerunt eum.*  
Joan. 15.

**D**ominator vitæ mex, Deus  
meus, ordinatione tua per-  
severat dies, quoniam omnia  
serviunt tibi. Oritur sol, & oc-  
cidit; & ad locum suum rever-  
titur, gyrans per meridiem, &  
flectitur ad Aquilonem, lustrans  
universa. Vespere igitur, mane,  
& meridie narrabo, & annun-  
tiabo; & exaudies vocem me-  
am.

In.

Indica mihi, quem diligit ani-  
ma mea, ubi pascas, ubi cubes  
in meridie. Donec aspiret dies,  
& inclinentur umbræ, vadam  
ad montem myrrha, & ad col-  
lem thuris. Aspiciam in aucto-  
rem fidei, & consummatorem  
Jesum.

Contemplabor Deum meum;  
qui hora sexta crucifixus est, &  
pendens in ligno non habet, ubi  
reclinat caput suum. Sub um-  
bra illius, quem desideraveram,  
sedebo: stabo juxta crucem, &  
hauriam aquas in gaudio de fon-  
tibus Salvatoris, & miseratio-  
num Domini recordabor.

O Sol iustitiæ, qui tenebre  
scere fecisti terram in die lumi-  
nis, ne occidas super me; sed sis  
mihi in lucem sempiternam, &  
Deus meus in gloriam meam.  
Amen.

AN.



---

 ANTE REFECTIONEM.

*Operamini, non cibum, qui perit;  
sed, qui permanet  
in vitam eternam.*  
Joan. 6.

**D**omine Deus meus, qui Angelorum esca nutritivisti populum tuum, & panem de celo prastitisti eis; qui das escam omni carni, & implebis cibo, & lætitia corda nostra; qui pacis me a juventute mea, gratias ago tibi, quia parasti mihi mensam ex iis, quæ dedisti servis tuis.

Benedic, Domine, hæc dona tua, ut sumam cibum cum exultatione, & simplicitate cordis, collaudans te. Reficiatur spiritus

tus meus verbo tuo; dulcia enim sunt faucibus meis eloquia tua. Fac, ut delecter, non cibo, qui perit, sed qui permanet in vitam æternam. Meus cibus sit facere voluntatem tuam, Deus meus; cui honor, & gloria in sæcula sæculorum. Amen.

---

## POST REFECTIONEM.

*Ut in omni conversatione  
sancti sitis.*  
1. Pet. 2.

**R**efecisti me, Domine, & nutritivisti me cum jucunditate; benedicam te, & laudabo nomen tuum, & serviam tibi in toto corde omnibus diebus vite mee. Et nunc, Domine, custodi me, ut secundum sanctæ legis

F con.

constituta, sit conversatio mea,  
 Guberna linguam, & dirige co-  
 gitationes meas, ut in sancta  
 conversatione permaneam, &  
 cum servis tuis glorificem te,  
 Deus meus, quem decet gloria  
 in secula seculorum, Amen.




---

PARS SECUNDA.

*A meridie ad noctem.*

UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECAS

PARS

constituta, sit conversatio mea,  
 Guberna linguam, & dirige co-  
 gitationes meas, ut in sancta  
 conversatione permaneam, &  
 cum servis tuis glorificem te,  
 Deus meus, quem decet gloria  
 in secula seculorum, Amen.




---

PARS SECUNDA.

*A meridie ad noctem.*

UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECAS

PARS

LAUDES DIVINÆ  
 EX  
 DIVINIS PERFECTIONIBUS.

*Mirabilia opera Altissimi solius.*  
 Eccle. 11.

*Holocausta offerunt Domino  
 per singulos dies, mane, & vespere.*  
 2. Paral. 13.

**L**Auda anima mea Domi-  
 num; laudabo Dominum  
 in vita mea; psallam Deo meo,  
 quamdiu sum. Jucundum sit ei  
 eloquium meum; ego vero de-  
 lectabor in Domino.

Laudate servi Dominum;  
 laudate, quia bonus Dominus.  
 Hymnum cantate Domino; hy-  
 mnum novum cantate Deo no-  
 stro: exultate in carminibus  
 Dei nostri: collaudate, & be-  
 nedicite Dominum in operibus

F 3 suis.

fuis: exaltate, & invocate nomen ejus: mementote mirabilium ejus: mementote, quoniam excelsum est nomen ejus.

Magnus Dominus, & laudabilis nimis; & magnitudinis ejus non est finis. Magnus est, & non habet finem; excelsus, & immensus; & nomen ejus in æternum; & omnipotens manus ejus. Excelsior cælo, & profundior inferno; longior terra mensura ejus, & latior mari. Numerus annorum ejus inestimabilis.

Magnus Dominus noster, & magna virtus ejus, & sapientia ejus non est numerus. Magnus Dominus Deus noster, qui facit mirabilia magna solus; magna, & inscrutabilia absque numero: magnus vehementer; & mirabilis potentia ejus.

O Ado-

O Adonai! Domine, magnus es tu, & in omnia sæcula regnum tuum. Magnus es tu, & præclarus in virtute tua. Præquam montes fierent, aut formaretur terra, & orbis, a sæculo, & usque in sæculum tu es Deus.

Tua est, Domine, magnificentia, potentia, & gloria; cuncta enim, quæ in cælo sunt, & in terra, tua sunt. Tuum, Domine, est regnum; tu es super omnes gentes. In manu tua virtus, & potentia; in manu tua magnitudo, & imperium. Tu Dominus totius creaturæ; Dominus nomen est tibi.

Benedictus es, Domine, ab æterno in æternum. Laudaverunt te Patres nostri, & nos laudabimus te, & confitebimur nomini tuo in sæculum, & in sæculum

F 4      se-

seculi. Exultabit in te anima mea, & confitebitur tibi. Dedisti mihi linguam, & in ipsa laudabo te. Tota die benedicam tibi; tota die cantabo laudem tuam.

*Sapientia Dei.*

**Q**uis sufficit enarrare opera ejus? Quis investigabit magnalia ejus? Virtutem ejus, quis enuntiabit? Vias illius quis intelligit? Quis intravit in thesauros ejus?

Arenam maris, & pluviam guttas, & dies seculi, quis dinumeravit? Altitudinem celi, & latitudinem terræ, & profundum abyssi, quis dimensus est? Unus est Creator omnipotens, & dominans Deus. Ipse vidit, & dinumeravit, & mensus est.

Men-

Mensus est pugillo aquas, & celos palmo ponderavit; appendit tribus digitis molem terræ; in pondere libravit montes, & colles in statera; multitudinem stellarum numerat, & omnibus eis nomina vocat.

O altitudo divitiarum sapientix, & scientix Dei! Quis ascendit in celum, & accepit eam, & transtulit eam de nubibus? Quis transfretavit mare, & invenit illam, & attulit illam super aurum electum?

Deus magnus, vincens scientiam nostram; magnus consilio, & incomprehensibilis cogitatu. Non est, qui possit scire vias sapientix ejus, neque qui intelligat semitas ejus; sed qui scit universa, novit eam, & adinventam eam. ®

Dominus sapientia fundavit

F 3 ter-

terram, & stabilivit caelos prudentia. Sapiaentia ejus erupunt abyssi, & nubes rore concrescunt. Creavit illam in Spiritu Sancto, & effudit eam super omnia opera sua.

Non sunt ab eo abscondita tempora. Fines mundi intuetur; subter omnes caelos considerat; & lumen illius super omnes terminos terrae. Revelat profunda, & abscondita, & novit in tenebris constituta. Ipse est conspexor saeculorum, & lux cum eo est.

Oculi ejus super vias hominum, & omnes gressus eorum considerat. Opera eorum coram illo, & iniquitates eorum in conspectu illius. Abyssum, & cor eorum investigabit, & decorabit magnalia sapientiae suae, qui est ante saeculum, & usque in saeculum.

*Mi.*

---

*Misericordia Dei.*

Consiteantur Domino misericordiae ejus; misericordias Domini in aeternum cantabo. Quam magna misericordia Domini! in aeternum misericordia ejus; miserationes ejus super omnia opera ejus. Secundum magnitudinem magnitudinis ipsius, sic misericordia cum ipso est.

Non in perpetuum irascetur, neque in aeternum comminabitur. Non secundum peccata nostra fecit nobis; neque secundum iniquitates nostras retribuit nobis. Quantum distat caeli a terra; quantum distat ortus ab occidente, longe fecit a nobis iniquitates nostras. Quomodo miseretur pater filiorum, mi-

F 6 ser.

sertus est Dominus timentibus se, quoniam ipse cognovit figmentum nostrum. Miserator, & misericors Dominus; longanimis, & multum misericors. Quis sapiens, & custodiet hæc, & intelliget misericordias Domini?

*Judicia Dei.*

**M**emor ero judiciorum ejus; quam incomprehensibilia sunt judicia ejus! Nimis profundæ cogitationes ejus. Magnus fortitudine, & judicio, & justitia; & enarrari non potest; terribilis in consiliis super filios hominum: judicia Dei abyssus multa.

Quasi lutum in manu figuli; sic homo in manu illius, qui se

fe.

fecit. Dominus multiplicat gentes, & perdit eas, & subversas in integrum restituit; mutat tempora, & ætates; transfert regna, atque constituit.

Flagellat, & salvat. Mortificat, & vivificat; deducit ad inferos, & reducit; pauperem facit, & ditat; humiliat, & subleuat; suscitatur de pulvere egenum, & de stercore elevat pauperem.

Humiliat peccatores usque ad terram, & dispergit superbos in furore suo. Impii stante Deo perierunt, & spiritu iræ ejus consumpti sunt. Flavuit in eos, & aruerunt, & quasi turbo stipulam, auferet eos. Cognoscetur Dominus judicia faciens: justitiae, & veritatis sunt vix ejus. Exaltabitur in judicio, & exaltabitur in justitia. ®

Pe.



*Potentia Dei.*

**C**onfiteantur Domino omnia opera ejus. Memor ero operum Domini: memor ero mirabilium ejus; magna opera ejus. Omnia quaecumque voluit, fecit in caelo, & in terra; in mari, & in omnibus abyssis. Ipse omnipotens super omnia opera sua.

In manibus abscondit lucem; emittit lumen, & vadit; vocavit illud, & obedit ei in tremore. Qui praecipit soli, & non oritur; & stellas claudit, quasi sub signaculo. Inerepat mare, & exsiccatur illud; fervere, facit profundum ejus, & intumescunt fluctus.

In sermone ejus siluit ventus,  
&

& ad voluntates ejus aspirat notus: aufert stillas pluviae, & effundit imbres ad initar gurgitum: induit calum tenebris; tonat voce magnitudinis suae; vox tonitruus ejus verberabit terram. Emittit sagittas suas, & dissipat; fulgura multiplicat, & conturbat; conuscationes emittit iudicii sui.

In conspectu ejus commoventur montes; & petrae, sicut cera liquefcent ante faciem ejus: in furore suo obstupefaciet gentes; in ira ejus turbata est terra. Respicit eam, & facit eam tremere: commovet eam de loco suo; & fundamenta ejus concutuntur: in turbine, & tempestate vix ejus; & nebulae, pulvis pedum ejus.

Consideravi opera Domini,  
& expavi. Terribilia opera ejus.  
Si

Si voluerit subvertere omnia, quis contradicet ei? Quis effugit manum ejus? Quem constituit alium super terram, aut quem posuit super orbem terrarum, quem fabricatus est?

Nemo resistit iræ ejus; & curvantur sub eo, qui portant orbem. Columnæ cæli contremiscunt, & pavent ad nutum ejus. Potestas, & terror apud eum est; potestas ejus, potestas sempiterna; mirabilis in majestate, faciens prodigia.

*Glorificatio Dei.*

**T**imeat Dominum omnis terra; ab eo autem commoveantur omnes inhabitantes orbem. Regna terræ cantate Deo; cantate Domino; terribili, & ei,

ei, qui aufert spiritum principum; terribili apud reges terræ.

Laudate gentes; glorificate populi; narrate laudes Domini; annunciate opera ejus; & narrate mirabilia ejus, & terribilia ejus; signa ejus, quia magna sunt; & mirabilia ejus, quia fortia sunt; & regnum ejus, regnum sempiternum; & potestas ejus in generationem, & generationem.

Timeat Dominum, & date illi honorem: adorare eum, qui fecit cælum, & terram; mare, & fontes aquarum. Qui reminiscimini Dominum, ne taceatis; in omni corde, & ore collaudate, & benedicite nomen Domini. ®

Benedicite Deum cæli, & confitemini illi; viventem in sempiternum.

piternum glorificate. Ipsi soli honor, & gloria; ipse solus Altissimus; & omnes homines terra, & cinis.

---

HORA NONA.

*Et circa horam nonam  
clamans Jesus voce magna  
expiravit. Marci 11.*

**D**omine Deus meus formans lucem, & creans tenebras; ecce dies declinior est ad occasum, & propinquat ad vesperam; da, ut reliquum hujus diei, & vitæ meæ cum gaudio sit, & cum bono profectu timoris tui.

Ut testimonium præbeam in conspectu tuo, & ornem tempora usque ad consummationem

vi.

vitæ, & amplificem tuam sanctitatem, cui gloria nunc, & in diem æternitatis.

Et nunc, Domine, memor sanctissimæ mortis tuæ; quando hora nona in cruce exclamans; Deus Deus meus, ut quid dereliquisti me; & commendans Patri spiritum tuum, iterum clamans voce magna expirasti; ne derelinquas me in hora tribulationis, & transitus mei. Salvum fac Deus meus sperantem in te. In te speraverunt patres nostri; speraverunt, & liberaisti eos; ad te clamaverunt, & salvi facti sunt; in te speraverunt, & non sunt confusi.

Memento mei Deus meus, a quo emptus sum pretio magno; in manus tuas commendo spiritum meum, ut intrans in gloriam tuam laudem te, & glorificem

ficem in regno tuo in sæcula sæ-  
culorum. Amen.

ANTE LECTIONEM  
SPIRITUALEM.

*Leges omnibus diebus vita sua,  
& discet custodire verba,  
qua in lege scripta sunt.*  
Deut. 17.

**U**Tinam, Domine, loquaris  
mecum, & aperias labia  
tua mihi; & sapientiam tuam  
audiet auris mea, & intelligam  
sermonem tuum. Inclina cor  
meum ad cognoscendam legem  
tuam; non abscondas a me ser-  
monem tuum.

Inclina aurem meam ad susci-  
pienda eloquia tua, ut faciam,  
quod est placitum coram te, &  
di-

discam ex ore tuo legem, &  
scribam illam in tabulis cordis  
mei, & custodiam illam, ut pu-  
pillam oculi mei.

POST LECTIONEM  
SPIRITUALEM.

*Custodi precepta mea.*  
Prov. 4.

**D**omine, ad quem ibimus?  
Verba vite æternæ habes;  
sermo tuus veritas est. In me-  
moria sermonum tuorum dele-  
ctabor, & præcepta tua recon-  
dam mihi: non recedent ab o-  
culis meis; vita enim sunt in-  
venientibus ea.

Permaneat in me verbum ve-  
ritatis, quod audivi, ut opere  
illud compleam, & fructificem  
in

in omni opere bono, digne ambulans coram te, Deus meus; cui gloria in sæcula sæculorum, Amen.

VISITATIO  
SS. EUCHARISTIÆ.  
ADORATIO, ET LAUS.

*Corruentes proni in terram  
adoraverunt, & laudaverunt  
Dominum. 2. Paral. 7.*

*Admiratur, & gaudet.*

QUam terribilis est locus iste! Hic domus Dei est, O Adonai magne, & mirabilis! Quis poterit stare in conspectu tuo? Quis stabit ante faciem tuam in hoc templo sancto tuo? In hoc loco sanctificationis tuæ?

Quis

Quis non timebit te, & magnificabit nomen tuum, omnipotens Deus altissime? Deus potens, & metuendus nimis! Quis similis tui in fortibus, Domine? Quis similis tui? Magnificus in sanctitate; terribilis, atque laudabilis; faciens mirabilia; laudabilis nimis, & horribilis super omnes Deos. Expavit cor meum præ timore, & tremore magnitudinis tuæ; præ timore, & tremore gloriæ tuæ.

Ergo ne credibile est, quia habitat Deus cum hominibus super terram? Si cælum, & cælorum non te capiunt, quanto magis domus ista? Qui sedes super Cherubim in excelso solio gloriæ tuæ, elegisti sanctuarium in loco isto; posuisti tabernaculum tuum in medio nostris, & habitas nobiscum: nos po-

populus tuus; & tu Deus noster.

Vere tu es Deus noster absconditus, Deus Israel; gloria templi, & altaris tui; nec est alia natio, tam grandis, quæ habeat Deos appropinquantibus sibi, sicut Deus noster adest nobis.

Exulta, & lauda habitatio Sion; quia magnus in medio tui Sanctus Israel: gloria Domini super te. Posuit domum suam in gloriam cunctis gentibus; templum suum laudem in terra. Complacuit sibi Dominus in te; gaudebit super te Deus tuus.

Confortare omnis populus terræ, quia Deus noster nobiscum est, & repletur domus hæc sancta gloria Majestatis ejus. Templum Domini in gloria sempiterna: Dominus in loco sancto suo, & in conspectu servorum suorum glorificabitur,

&

& laudabitur in medio populi sui.

Ego autem, & anima mea in eo lætabimur: exultabo in gloria ejus; jubilabo ante altare Domini Dei Israel, & præfente omnipotente delectabor. In medio Ecclesiæ laudabo eum; in medio populi glorificabo eum.

---

*Laudat, & adorat.*

**E**CCE omnes Angeli, qui serviunt tibi die, ac nocte in templo tuo, & adsunt coram te, & cadunt in facies suas, & adorant te Deum viventem in sæcula sæculorum, & cantant canticum novum, quem in cælis cantant, stantes ante thronum, & in conspectu agni: dignus est agnus, qui occisus est,

G

ac.

accipere virtutem, & divinitatem, & sapientiam, & fortitudinem, & honorem, & gloriam, & benedictionem. Alleluja. Salus Deo nostro sedenti super thronum, & agno.

In conspectu Angelorum adorabo ad templum sanctum tuum, & confitebor nomini tuo. A solis ortu, & occasu magnum est in gentibus nomen tuum: potestas tua in æternum: a seculo tu es Deus; tu solus Altissimus super omnem terram.

Benedictus es in templo sancto tuo, & superlaudabilis, & supergloriosus, & superexaltatus in secula. Gaudium, & lætitia coram altari tuo; gratiarum actio, & vox laudis; vox dicentium: confitemini Domino, quoniam bonus, quoniam in æternum misericordia ejus.

Be-

Benedicent domum sanctificationis ejus; templum gloriæ ejus. Ponent Domino gloriam, & honorem; & laudem ejus annuntiabunt. Cantabunt Domino in canticis gaudii; cantabunt Deo suo de canticis Sion.

Intrent in conspectu tuo omnes gentes: cadant in faciem super terram; adorare Dominum Deum suum, & dare preces omnipotenti Deo excelso; dare laudem in labiis suis, & confessionem Sancto in verbo gloriæ.

Adorent te in oblatione sancta: glorificent te, quantumcumque potuerint; supervalebis enim adhuc; & admirabilis magnificentia tua. Benedicant te, & exaltent, quantum possunt; major enim es omni laude.

Exaltantes te repleantur vir-

G 2 tu.

tute, & narrent laudes tuas, & mirabilia tua, quæ fecisti. Tremiscant, & paveant te; paveant ad sanctuarium tuum, a terribili nomine Majestatis tuæ.

Venite gentes, & adorate Dominum; date gloriam nomini ejus; date gloriam laudi ejus. Venite in conspectu ejus, & adorate Dominum in decore sancto. Afferte Domino gloriam, & honorem; afferte Domino gloriam, & imperium. Adorate Dominum in atrio sancto ejus; adorate coram sancto altari ejus.

Non est Sanctus, ut est Dominus; neque est fortis, sicut Deus noster. Omnes Dii populorum idola; Dominus autem cælos fecit. Confessio, & magnificentia coram eo; fortitudo, & gaudium in loco ejus.

Da.

Date magnificentiam Deo nostro: cantate ei, quoniam magnifice fecit: annuntiate hoc in universa terra: curvate genu Deo excelsio; pavete, & adorate: cum timore, & tremore confitemini illi.

Laudem dicite servi ejus, & qui timetis eum, pusilli, & magni. Cantate Deo; cantate Domino; cantate ei canticum novum: laus ejus ab extremis terræ. Lætamini in Domino Deo vestro; jubilate coram Domino; jubilate in conspectu ejus; exultate, & jubilate Deo Jacob. Gaudeamus, & exultemus, & demus gloriam ei, quia regnavit Dominus Deus noster omnipotens.

Confitemini Deo Deorum; confitemini Deo cæli; confitemini Domino Dominorum;

G 3 con.



confitemini, & benedicite Regem seculorum: ipsi soli honor, & gloria; ipsi gloria in Ecclesia in omnes generationes seculi seculorum. Amen.

Et nunc, Domine, dimitte servum tuum in pace. Introivi in domum tuam; adoravi ad templum sanctum tuum. Benedic ingredientem de sanctuario tuo; benedic, & sanctifica servum tuum, ut cum gaudio revertar ad domum sanctam tuam, & effundam cor meum ante conspectum tuum, Domine Deus meus.

---

VISITATIO  
SS. EUCHARISTIÆ.

*Affectus Animæ ad Christum.*

*Inveni, quem diligit anima mea.*

Cant. 3.

**O** Splendor gloriæ, & candor lucis æternæ! Quis est, qui contempletur te? Quis intelligit in absconditis tuis; & abscondita tua quis revelabit? Quis mihi det, ut cognoscam te, Deus cordis mei; solus desiderabilis?

Qui lucem inhabitas inaccessibilem, posuisti velamen super faciem tuam. Posuisti tenebras latibulum tuum, & habitas in nebula; sed etiam nubes spargit lumen suum; & gloria tua appa-

G 4      ret

ret in nube. In nube coruscat  
majestas tua. Vultus tuus abs-  
conditus, & illuminans.

Ostende faciem tuam, in  
quam desiderant Angeli prospice-  
re. Ostende majestatem, &  
magnitudinem tuam, ut exul-  
tem tibi in timore, ac tremore  
sancto. Fulgura coruscationes,  
& emitte radios ab illuminatio-  
ne vultus tui.

Deus meus, in cuius conspe-  
ctu sto; in quem non videns cre-  
do; quem diligo, & adoro, &  
credens exulto lætitia inenarra-  
bili; læteretur cor meum in ab-  
scognito tabernaculi tui; in  
abscondito faciei tue. Ad te  
oculos meos dirigo; ad te fa-  
ciem meam converto.

Tu ignis perpetuus, qui nun-  
quam deficit in altari. Egred-  
diatur ignis a facie tua. Effun-  
de

de in me ardorem sanctum; &  
sit cor meum ante altare tuum;  
sicut thus ardens in igne; sicut  
cera liquescens ante faciem tu-  
am.

Domine, dilexi decorem do-  
mus tue, & locum habitationis  
glorie tue. Beati servi tui, qui  
assidunt coram te! Quam pul-  
chra tabernacula tua Jacob!  
Tabernacula, quæ fixit Domi-  
nus. Quam dilecta tabernacula  
tua, Domine virtutum! Altaria  
tua, Rex meus, & Deus meus!  
Unam petii; hanc requiram, ut  
inhabitarem in domo Domini; ut  
visitem templum ejus. Hæc re-  
quies mea; hic habitabo, quo-  
niam elegi eam.

Da mihi, ut appaream quoti-  
die ante faciem tuam coram al-  
tari tuo, & maneam ibi jugiter;  
ut tu mancas mecum in diebus

peregrinationis meæ usque ad consummationem vitæ, donec te videam in Sion monte sancto tuo, quando elevabitur nubes de tabernaculo, & adimplebis me lætitiâ cum vultu tuo; & satiabitur oculus meus, videns gloriam tuam.

O Israel! Quam magna est domus Domini, & ingens locus possessionis ejus! Beati qui habitant in domo tua, Domine! In sæcula sæculorum laudabunt te. Oculi non viderunt absque te, quæ præparasti diligentibus te. Inebriabuntur ab ubertate domus tuæ. Torrente voluptatis potabis eos: delectationes in dextera tua usque in finem.

Sitivit anima mea ad Deum vivum; quando transibo in locum tabernaculi admirabilis usque ad domum Dei? Quando veniam,

& apparebo ante faciem tuam, & videbo te, sicut es? Incola ego sum in terra: expecto, donec veniat immutatio mea. Suspicio in cælum; suspiro, & ingemisco.

Pars mea Dominus, dixit anima mea; propterea expectabam eum. Expectabo te Deum Salvatorem meum. Non confundas me ab expectatione mea, Domine Deus meus; & laudabo te in domo tua, & adorabo; cui magnificentia, & gloria, imperium, & potestas ante omne sæculum, & nunc, & in sæcula sæculorum. Amen.

VISITATIO  
SS. EUCHARISTIÆ.

*Preces Animæ ad Christum.*

*Precentes Deum permanebant in  
conspectu Domini.*

Judith. 4.

**D**omine Deus meus recordatus sum tui, ut veniat ad te oratio mea: ecce sto in sanctuario tuo. Quis autem ego sum, ut appropinquem tibi? Deus magne, atque terribilis, quem omnia pavent, & tremunt; a vultu virtutis tuæ confundor, & erubescio levare faciem meam ad te, quoniam iniquitates meæ multiplicatæ sunt nimis, & delicta mea creverunt usque ad caelum.

Mul-

Multæ sunt iniquitates meæ, & multa peccata meæ; sed tibi, Domine, misericordia, & propitiatio, quia Deus miseratiorum, & clemens es tu, cultodiens pactum, & ignoscens super malitia. Ne projicias me a facie tua, & ne expellas me de conspectu sanctuarii tui.

Effundam animam meam in conspectu tuo; levabo ad te manus meas in loco sancto, quem elegisti, ut ponas nomen tuum ibi, & habites in eo. Invocabo te, & exaudies me de templo sancto tuo. Quicumque enim invocaverint te, & expandierint manus suas in domo hac, exaudies de hoc habitaculo sancto tuo; quia non est confusio invocantibus te; & non repellis venientes ad locum sanctum tuum.

Sint

Sint igitur oculi tui aperti, & aures tuæ erectæ ad deprecationem nostram, quæ fit in loco isto. Audi orationem, quam servus tuus orat coram te. Exaudi preces servorum tuorum, & exaudi nos in universis, pro quibus invocaverimus te.

Si irruerint super nos mala, gladius, pestilentia, & fames; si clauso cælo pluvia non fluxerit propter peccata populi; si iratus concutias fundamenta terræ, & facias eam tremere; stabimus coram te in domo hac, & paventes corruemus ante sanctuarium tuum. Prosterne nos ante faciem templi; operiemus lacrymis altare tuum; clamabimus ad te; clamabimus; salvosque facies.

Et si peccaverit tibi populus tuus, & egerit pœnitentiam in

cor.

corde suo, & conversus deprecatus fuerit te, propitiaberis populo tuo; populus enim tuus, & hæreditas tuæ est.

---

*Ut peccatoribus propitietur.*

**P**Arce, Domine, parce populo tuo, & ne des hæreditatem tuam in perditionem. Avertatur ira, & furor tuus. Exaudi Domine; placare. Ne irascaris usque ad consummationem; ne perdas, quos redemisti.

Immuta cor eorum, qui recesserunt a te, ut revertantur ad te; aufer cor lapideum, & da cor novum; & spiritum novum in visceribus eorum infunde, ut confundantur, & erubescant super vias suas malas, & convertantur ab iniquitatibus suis.

Fac

Fac, eos in præceptis tuis ambulare, & mandata tua custodire; & cognoscant, quia misericors es, & multus ad ignoscendum; & peccata condonas iis, qui invocant nomen tuum; & non delectaris in perditionibus nostris.

---

*Ut Ecclesiam suam protegat.*

**P**rotege, Deus meus, Ecclesiam, quam fundasti. Respice, & visita vineam, quam plantavit dextera tua. Confundantur inimici ejus; confundantur in omni potentia tua; & robur eorum conteratur. Alleva manum tuam; glorifica manum tuam; irruat formido, & pavor super eos.

Et sciant omnes, qui habitant

tant terram, quia nobiscum es, & nomen tuum invocatum est super nos, & es Deus solus, & gloriosus super orbem terrarum, & non est similis tui in exlo, & in terra. Turbentur a facie tua, qui polluunt nomen tuum, & sanctum Israel blasphemaverunt.

---

*Ut Infideles convertat.*

**E**Mitte lucem tuam in gentes, quæ non exquisierunt te, ut cognoscant te, sicut nos cognoscimus te, & discant universi populi terrarum timere nomen tuum magnum, sicut populus tuus; & videant potentiam tuam, & enarrent magnalia tua, videntes gloriam Domini, & decorem Dei nostri;

&

& sciant, quia nomen tibi Dominus.

Convertantur ad te universi fines terræ, & adorent in conspectu tuo universæ familiæ gentium. Adorent te omnes reges terræ; omnes gentes serviant tibi. Sanctificare in oculis nationum, & decantent nomen sanctum tuum, Domine Rex Deorum, & universæ potestatis.

*Ut sanctuarium suum respiciat.*

**O**stende faciem tuam super sanctuarium tuum; sint oculi tui, & cor tuum in loco isto cunctis diebus: elegisti enim domum hanc, & sanctificasti locum istum, ut sit nomen tuum ibi in sempiternum, & sit dominus orationis, & obsecrationis populo tuo.

*Ut*

*Ut populum suum custodiat.*

**R**espice super familiam tuam, & ne cogites super illam malum; non avertas faciem tuam a nobis. Memento misericordiarum tuarum; respice in nos, & miserere nostri. Ne despicias partem tuam, quam redemisti, & populum, quem separasti tibi; nos enim nescimus alium Deum præter te.

Miserere civitati sanctificationis tuæ; protege urbem hanc, & salva eam propter te; custodi habitatores ejus. Da nobis jucunditatem cordis, & fac pacem in diebus nostris per dies sempiternos. Erue nos in mirabilibus tuis; ostende te nobis in tribulatione nostra; libera nos

nos de angustiis nostris. Ad te sunt oculi nostri, ne pereamus.

Reple misericordia plebem tuam, & gloria tua populum tuum, ut magnificatus sis in nobis, & glorificeris in medio nostri, & timeamus te, & ambulemus in viis tuis cunctis diebus, quibus vivimus super faciem terræ, & custodiamus pactum tuum, & sequamur te in toto corde, & simus populus sanctus Dei nostri.

Ecce fundimus preces nostras, & humiliamus animas nostras, & prosternimus nos ante faciem tuam, & petimus misericordiam ante conspectum tuum, Domine Deus noster.

Et nunc, Domine, egredior de sanctuario tuo; recordare, quod steterim in conspectu tuo. Levavi manus meas ad templum

plum sanctum tuum, & deprecatus sum faciem tuam in toto corde meo. Miserere, Domine, servi tui; & benedic de sancto altari tuo, & in viam pacis dirige gressus meos, Domine Deus meus.

---

VISITATIO

SS. EUCHARISTIE.

*Pro sancta morte.*

*Semper cum Domino erimus.*

1. Thess. 6.

---

**D**omine Deus spirituum universæ carnis hominis, qui vitæ, & mortis habes potestatem, anima in angustiis, & spiritus anxius clamat ad te. Timor, & tremor venerunt super me,



me, & formido mortis cecidit super me.

Peregrinus sum apud te, & advena, sicut omnes patres mei, & nescio, quandiu subsistam, & si post modicum tollas me. Dies mei, sicut umbra super terram, & sicut nubes, quæ consumitur, & transit. Induetur caro mea putredine; & in pulverem reduces me.

Memento mei, Deus meus, quando appropinquabit finis meus; custodi animam meam, ut inhaream tibi, & faciam, quod est placitum in conspectu tuo, & compleam annos meos cum gaudio, in timore tuo.

Conforta me in illa hora transmigrationis meæ, quando circundabunt me dolores mortis, & torrentes iniquitatis conturbabunt me, & pericula infer-

ferni invenient me: circundabunt me aquæ usque ad animam; abyssus vallabit me, & pelagus operiet caput meum: colluctabitur anima mea; anxietur cor meum, & angustabitur præ pavore.

Visita servum tuum, & refice hoc pane vitæ, antequam moriar, & ingrediar viam universæ carnis, ne deficiam, & ne formidem a facie inimicorum meorum. Quæ enim fortitudo mea, ut possim resistere tantæ multitudini, quæ irruet super me, nisi tu adjuves me?

Qui formasti me, non ad consumptionem, non sis mihi formidini; spes mea tu in die afflictionis. Occurre mihi, ne aborbeat me inimicus, quasi draco. Memorare, quæ mea substantia; nunquid enim vane constituisti om-

omnes filios hominum? In te projectus sum ex utero; de ventre matris mex tu esceptor meus.

Delicta iuventutis mex, & ignorantias meas ne memineris; ne memineris iniquitatum meorum antiquarum; ne recorderis peccata mea, & non intres in iudicium cum seruo tuo, quia non iustificabitur in conspectu tuo omnis vivens. Et quantus ego sum, ut respondeam tibi, & loquar tecum verbis meis?

O Dominé! Libera animam meam; lxtifica animam servi tui, & suscipe in pace spiritum meum, ut revertatur ad te factorem suum, in quem credidit, & quem fideliter adoravit.

Et statue me cum electis tuis, ut cum veneris in nubibus celi cum potestate magna, & maiestata.

state glorificari in Sanctis tuis, & mirabilis fieri in iis, qui in te crediderunt, & dare vindictam iis, qui nomen tuum non invocaverunt, in lxtitia occurram tibi.

Et sequar te in regnum tuum; & ero semper tecum; & in carne mea videbo Deum Salvatorem meum; & adorabo te in templo sancto gloriæ tuæ, quem nunc adoro in hoc sancto altari tuo; & cum Angelis, & Sanctis tuis glorificabo nomen sanctum tuum, & in æternum cantabo misericordias tuas; quia non conclusisti me in manus inimici, & salvam fecisti animam meam, Deus meus; cui gloria in sæcula sæculorum. Amen.

## AD B. VIRGINEM.

*Venite ad me omnes, qui concupiscitis me. Eccle. 24.*

*Laudes Virginis.*

**B**enedicta a Domino Deo excelso, præ omnibus mulieribus super terram; te elegit Dominus Deus Israel, ut sederes in throno regni sui in sempiternum. Tu gloria Jerusalem; tu lætitia Israel; tu honorificentia populi nostri.

Benedictus Dominus, qui exaltavit te, & nomen tuum ita magnificavit, ut non recedat laus tua ab ore hominum, qui memores fuerint virtutis Domini in æternum. Dominus, exalta-

tatio tua, qui contulit splendorem tibi, ut incomparabili decore omnium oculis appareres; te adamavit, plusquam omnes mulieres. Quasi sponsam decoravit corona, & quasi sponsam ornavit monilibus; posuit diadema regni in capite tuo; fecitque, te regnare.

Tu amabilis Domino, qui te amabilem fecit; & nimis amabilis diligentibus te. Tu admirabilis in conspectu potentium; & facies Angelorum mirabuntur te, vas admirabile; opus excelsi; civitas regis magni; templum Dei vivi; habitaculum Spiritus Sancti; & beatam te dicent omnes generationes, quia fecit tibi magna, qui potens est; & qui creavit te, requievit in tabernaculo tuo.

In te adimplevit Dominus misericordiam suam.

H 2 se.

fericordiam suam, quam promisit domui Israel; & interfecit in manu tua hostem populi sui, & ad nihilum redegit inimicos nostros. Manus Domini confortavit te; & ideo eris benedicta in aeternum.

---

*Invocatio Virginis.*

**T**U, civitas refugii, ad quam venient gentes ab extremis terræ, fortitudo nostra, robur nostrum, & refugium nostrum; in nomine tuo fiducia fortitudinis; & filiis tuis eris spes. Rogabit te populus tuus, ut in aeternum custodias illum, quæ tuam portionem signis evidentibus protegis.

Ne retrahas manum tuam ab auxilio fervorum tuorum, pro qui-

quibus non pepercisti animæ tuæ propter angustias, & tribulationes generis tui; sed subvenisti ruinæ ante conspectum Dei nostri, loquens pro nobis bonum; ut averteret iram indignationis suæ a populo suo. Inveniat servus tuus fiduciam, & oret coram te. Convertite oculos tuos ad me; deprecaberis pro me, & liberabis me; & placatus erit mihi Filius tuus.

---

*Pro sancta morte.*

**Q**Uæ stabas juxta crucem, quando omnipotens replevit te amaritudine, ad sis mihi in hora tribulationis, & protege me dextera tua, donec transeam. Invocabo nomen tuum; levabo manus meas, & clamabo

ad te; memento mei, quando  
 appropinquabit finis meus. Da  
 mihi fiduciam, ne timeam in die  
 furoris Domini.

Dissolvantur in specie faciei  
 inimici mei; dissipa cogita-  
 tiones eorum; de manu eorum  
 eripe me. Consolare me in exi-  
 tu spiritus mei, & deduc me in  
 vitam æternam, ut videam te,  
 & filium tuum Jesum Christum;  
 quem beatus venter tuus porta-  
 vit; quem beata ubera lactave-  
 runt; & cum Patre, & Spiritu  
 Sancto vivit, & regnat Deus in  
 sæcula sæculorum. Amen.

EXA.

---



---

 EXAMEN CONSCIENTIÆ.

*Scrutemur vias nostras, & leve-  
 mus corda nostra cum manibus  
 ad Deum in celo.*

Thren. 3.

*Laudat, & gratias agit.*

**Q**uid retribuam Domino pro  
 omnibus, quæ retribuit  
 mihi? Benedic anima mea Do-  
 mino, & omnia, quæ intra  
 me sunt, nomini sancto ejus;  
 benedic anima mea, Domino,  
 & noli oblivisci omnes retri-  
 butiones ejus; benedic anima  
 mea, & intellige misericordias  
 Domini. ®

Laudem Deo nostro super  
 omnibus, & super multitudi-

H 4 nem

ad te; memento mei, quando  
 appropinquabit finis meus. Da  
 mihi fiduciam, ne timeam in die  
 furoris Domini.

Dissolvantur in specie faciei  
 inimici mei; dissipa cogita-  
 tiones eorum; de manu eorum  
 eripe me. Consolare me in exi-  
 tu spiritus mei, & deduc me in  
 vitam æternam, ut videam te,  
 & filium tuum Jesum Christum;  
 quem beatus venter tuus porta-  
 vit; quem beata ubera lactave-  
 runt; & cum Patre, & Spiritu  
 Sancto vivit, & regnat Deus in  
 sæcula sæculorum. Amen.

EXA.

---



---

 EXAMEN CONSCIENTIÆ.

*Scrutemur vias nostras, & leve-  
 mus corda nostra cum manibus  
 ad Deum in celo.*

Thren. 3.

*Laudat, & gratias agit.*

**Q**uid retribuam Domino pro  
 omnibus, quæ retribuit  
 mihi? Benedic anima mea Do-  
 mino, & omnia, quæ intra  
 me sunt, nomini sancto ejus;  
 benedic anima mea, Domino,  
 & noli oblivisci omnes retri-  
 butiones ejus; benedic anima  
 mea, & intellige misericordias  
 Domini. ®

Laudem Deo nostro super  
 omnibus, & super multitudi-

H 4 nem

nem bonorum, quæ largitus est  
mihî secundum indulgentiam  
suam, & secundum multitudi-  
nem miserationum suarum.

*Creatio, conservatio,  
& providentia.*

**T**U, Domine, formasti me de  
limo terræ ad imaginem,  
& similitudinem tuam. Spiritus  
tuus, Domine, fecit me; & spi-  
raculum omnipotentis vivifica-  
vit me; ut viveret anima mea,  
& laudaret te, & recorderer  
creatoris mei omnibus diebus  
vitæ meæ, & invocarem Deum  
meum in omni tempore.

Tu conservas me, qui bono-  
rum meorum non eges, creatu-  
ram tuam; opus manuum tua-  
rum. Tu pascis me a juventute  
mea;

mea; & tibi est cura de me, &  
das mihî escam in tempore op-  
portuno; tu regis me, & guber-  
nas me, & mandasti Angelis tuis  
de me, ut custodiant me in om-  
nibus viis meis.

*Redemptio, & donum  
Spiritus Sancti.*

**D**edisti Filium tuum unige-  
nitum, qui dilexit, & la-  
vit nos a peccatis nostris in san-  
guine suo; qui dedit semeti-  
psum oblationem, & hostiam;  
& reconciliavit nos tibi, factus  
nobis iustitia, sanctificatio, &  
redemptio.

Dedisti Spiritum Sanctum;  
Spiritus veritatis, qui docet  
nos omnem veritatem; qui lo-  
quitur ad cor nostrum; adjuvat

H 3 in

infirmi-  
tatem nostram, & postu-  
lat pro nobis gemitibus inenar-  
rabilibus.

*Fides, & Justificatio.*

**V**ocasti me de tenebris in ad-  
mirabile lumen tuum; ad  
agnitionem veritatis; ad cogno-  
scendum te solum verum Deum,  
& quem misisti Jesum Christum.  
Revelasti per spiritum tuum my-  
sterium a faculis absconditum,  
& quod aliis generationibus non  
est agnitum, sicut sanctis Aposto-  
lis tuis, & Prophetis.

Justificasti gratis per gratiam  
tuam, & mundasti me per la-  
vacrum regenerationis, & reno-  
vationis Spiritus Sancti, quem  
effudisti in nos abunde per Sal-  
vatorem nostrum Jesum Chri-  
stum.

*Vo-*

*Vocatio ad Religionem,  
& Sacerdotium.*

**S**Usccepisti me de via iniquita-  
tis, & assumpisti, ut inha-  
bitarem cum servis tuis in domo  
tua: vocasti me vocatione tua  
sancta in societatem Filii tui; in  
loco pascae collocasti.

Elegisti in sacerdotem ad sa-  
crificandum tibi hostiam laudis;  
acceptabile holocaustum, &  
placabile sacrificium pro popu-  
lo tuo. Cibasti me pane sancto,  
& calice salutari potasti me.

H 6

Li.



*Liberatio a malis; expectatio ad penitentiam; & preservatio.*

**L**iberasti me secundum multitudinem misericordiarum tuarum de manibus querentium animam meam. Non recessisti a seruo tuo, nec succidisti arborem non ferentem fructum; sed sustinuiti me in multa patientia.

Jacentem erexitisti; manum tuam cadenti supposuisti. Lassum roborasti; dormitantem excitasti; errantem reduxisti; in tribulatione confortasti; cor meum dilatasti; circumdedisti me misericordia tua, & pravenisti in miserationibus tuis multis.

Quanta fecisti, Deus, anime mee! Propterea confitebor, & lau-

laudem dicam tibi, & benedicam semper nomini tuo, & gloriarior in miserationibus tuis: miserationum tuarum, Domine, recordabor.

*Scrutatur vias suas.*

**E**Go autem, repletus misericordia tua, retribuisti tibi mala pro bonis. Qui consideras vias meas, & cunctos gressus meos dinumeras, aperi oculos meos, ut videam, quam sim pauper, cecus, & nudus. Peccata mea statue contra faciem meam.

Pravum est cor hominis, & inscrutabile. Quis cognoscet illud? Scrutans corda, & renes Deus; oculi eius super vias filiorum Adam; & reddet unicuique, secundum fructum ad inventionem ejus.

*Plo.*

*Plorat in amaritudine  
peccata sua.*

**N**on ne Deus requiret ista?  
Quid respondebo ad ar-  
guentem me? Si iustificare me  
voluero, pravum me comproba-  
bit. Veruntamen vias meas ar-  
guam in conspectu ejus, & me-  
um iudicem deprecabor; & ipse  
erit Salvator meus.

Humiliata est in conspectu  
tuo anima mea, Domine. Pec-  
cavi; quid faciam tibi, o custos  
hominum? Peccata mea in ocu-  
lis tuis: in conspectu tuo iniqui-  
tates meae. Non audeo levare  
faciem meam: confusus sum ve-  
hementer.

Peccavi, Domine, peccavi,  
Peccavi, & iniquitatem meam  
ego

ego cognosco. Peccavi, & ma-  
lum coram te feci. Feci malum  
in conspectu tuo; pravificatus  
sum in te. Charitatem primam  
reliqui; recessit cor meum a te;  
repidus factus sum. Non sum di-  
gnus vocari filius tuus.

Plorabo in fletu; plorabo in  
amaritudine animae meae. Vide,  
Domine, afflictionem meam:  
vide, Domine, quia contritio-  
ne magna contritus sum; insa-  
nabilis est dolor meus propter  
iniquitates meas.

*Statuit custodire legem Domini.*

**A** Mandatis tuis non recedam  
amplius; a semitis tuis non  
declinabo. Faciam, quod est bo-  
num in conspectu tuo; custo-  
diam legem tuam; ambulabo  
in

in novitate vitæ; ambulabo sollicitus coram te.

Custodi, Deus, hanc voluntatem; confirma me in omni opere bono, & gressus meos preserve, ut non moveantur vestigia mea. Conserva me in timore tuo; corrobora me; & confundentur, qui pugnant adversum me. Multi, qui persequuntur me, & tribulant me. A testimoniis tuis non declinabo.

*Misericordiam implorat.*

**E**T nunc, Domine, Deus omnipotens, Deus patrum nostrorum, in animo contrito, & spiritu humilitatis, flecto genua cordis mei. Qui pius es, misere mei; aut in flagello tuo vindica iniquitates meas, & noli tra-

tradere confidentem te inimicis tuis.

Remitte mihi, Domine, remitte mihi. Ne simul perdas me cum iniquitatibus meis, neque in æternum reserves mala mihi; ne tradas in perpetuum. Non auferas misericordiam tuam; sed fac mecum, juxta mansuetudinem tuam, & secundum multitudinem misericordie tue; quia tu es Deus altissimus, benignus, longanimis; & investigabilis misericordia tua.

Peccavi; sed advocatum habeo, apud te, filium tuum, quem misisti, Salvatorem mundi, & posuisti propitiatorem, in quo habemus fiduciam, & accessum per fidem ejus. Per ipsum accedo ad thronum gratiæ, ut misericordiam consequar, & gratiam inveniam.

Pro.

Protector noster adspice De-  
us, & respice in faciem Christi  
tui, qui dilexit me, & tradidit  
semetipsum pro me, semper vi-  
vens, ad interpellandum pro me.  
Et laudabo te omnibus diebus  
vitæ meæ, quem laudat omnis  
virtus cælorum; & tibi est glo-  
ria in sæcula sæculorum. Amen.

AFFECTUS  
ANIMÆ COMPUNCTÆ.

*Gemitus meus a te non est  
absconditus. Ps. 37.*

*Recordatur primi fervoris.*

QUIS mihi tribuat, ut sim jux-  
ta dies antiquos; secun-  
dum dies, quibus Deus custo-  
diebat me? Quando erat mecum  
om-

omnipotens, & in omnipotente  
delectabar; loquebatur, & ar-  
debat cor meum; clamabam, &  
exaudiebat me; quærebam il-  
lum, & inveniebam; vocabam,  
& respondebat mihi: visitabat  
me, & fluebant aromata illius.

Meditabar in lege ejus, & dul-  
cia erant faucibus meis eloquia  
ejus; & lætitia, & gaudium con-  
versatio illius. Confortabat me;  
& leve erat onus ejus, & suave  
jugum ejus.

Replebat pace animam meam,  
& reficiebat spiritum meum: in  
pascuis pinguibus, & uberrimis  
pascibat me: fonte aquæ vivæ  
potabat me; & hauriebam aquas  
in gaudio de fontibus Salvato-  
ris. ®

Præcedebat me pastor bonus;  
& sequabar vocem ejus; per se-  
mitas suas deducebat me; & ad  
lu-

lumen illius ambulabam; & dilatabat gressus meos; lassum sustentabat, & portabat in humeris suis.

*Agnoscit reporem suam.*

**N**unc autem reductus sum ad nihilum; & tabescit in me anima mea: in lacum miserix projectus sum; infixus sum in limo profundi, in luto fecis. Ablata est lux; contenebrati sunt oculi mei; & contexerunt me tenebræ. Quale gaudium erit mihi, qui in tenebris sedeo, & lumen cali non video!

Anima mea sicut terra sine aqua; nec ros, nec pluvia veniunt super me. Fons aquæ vivæ siccatuſ est; aruit cor meum; attenuatum est robur meum; de-

re.

reliquit me virtus mea: langui, & defeci; defecit spiritus meus. Quanti mercenarii abundant in domo patris mei panibus! Ego autem hic fame pereo.

Ubi sunt misericordiæ tuæ antiquæ, Domine? Ubi sunt misericordiæ tuæ? Intuere, & respice opprobrium meum. Ignominia operuit me; non audeo levare faciem meam; confusus sum vehementer. Vide, Domine, & considera, quoniam factus sum vilis; squalens calamitate, & miseria.

*Plorat divinam absentiam.*

**Q**uis dabit capiti meo aquam, & fontem lacrymarum oculis meis, & plorabo die, ac nocte. In abscondito plorabit ani-

anima mea coram Domino, qui fecit me. Plorans plorabit; & oculus meus deducet lacrymas, quia longe factus est a me consolator; abscondit faciem suam a me.

Replevit me amaritudine; animam meam posuit desolatam, & mœrore confectam. Defecit gaudium cordis mei; periit lætitia, & exultatio. Possident me dies afflictionis; factus sum mihi metipsum gravis. Non est, qui consoletur me. Quis medebitur mihi? Plorabo, & non quiescam: non tacebit pupilla oculi mei, quia recessit a me Deus meus.

*Ado.*

*Adorat divinam Justitiam.*

**M**agna, Domine, judicia tua; quia non egi secundum præcepta tua, & ambulavi sincere coram te; & tu justus es in omnibus, quæ venerunt super me. Tibi, Domine, justitia; mihi autem confusio. Vix meæ, & cogitationes meæ fecerunt hæc mihi: diviserunt inter me, & Deum meum; peccata mea pervenerunt usque ad cælum; malitia mea ascendit coram te.

Peccavi, Domine, peccavi; inique egi; iniquitatem feci; non feci voluntatem tuam; & mandata tua non custodivi. Recordor transgressionum mearum; peccavi ab adolescentia mea;

mea;

mea; statui abominaciones; multiplicavi offensiones.

Excitavi iracundiam tuam; exacerbavi te, Deus eterne; contaminavi testamentum tuum; contempsi timorem tuum. Abivi in sensum cordis mei, faciens mala ante oculos tuos.

Propterea traditus sum in direptionem; traditus sum in manus inimicorum meorum. Erefi sunt contra me; viderunt me, & spreverunt me; circumdederunt me, & coangustaverunt me undique; irruerunt super me, & prostraverunt me, quia tu abiecisti me.

Projiciens repulisti me: projectus sum a facie oculorum tuorum: & nunc, quid dicam post hac? quia dereliqui mandata tua. Vera, & iusta sunt iudicia tua, Deus omnipotens: iustæ,  
&

& veræ sunt viæ tuæ, rex sæculorum.

---

*Considerat divinam indignationem.*

**D**ereliquisti, anima mea, Deum factorem tuum, & recessisti a Deo salutari tuo: oblita es Dei, qui creavit te, & salvavit te, & enutrivit te. Non es recordata finis tui; non es recordata adjutoris tui; non cognovisti tempus visitationis tuæ.

Inquinata sunt viæ tuæ; maculata es in iniquitate tua; in medio sordium habitatio tua; malitia tua execrabilis; facta es abominabilis coram Domino Deo tuo. Indignatio Domini super te, quia contempsisti legem Altissimi; recessisti, ne au-  
I di.

diſes vocem ejus; abalienata es retrorſum, & noluiſti in viis ejus ambulare; provocavi oculos majeſtatis ejus.

Propterea complexit furorem ſuum omnipotens; recordatus eſt iniquitatum tuarum; extendit manum ſuam, & aggravavit eam ſuper te. Arcum ſuum extendit; effudit, quali ignem, indignationem ſuam; effudit indignationem furoris ſui: iratus eſt vehementer.

*Concepit timorem Domini.*

**Q**uis ſtabit ante faciem indignationis ejus, & quis reſiſtet in ira furoris ejus? Ardens furor ejus; labia ejus repleta indignatione; lingua ejus, quali ignis devorans; ſagitta ejus acuta.

A fa-

A facie ejus cruciabuntur populi; a facie ejus contremiſcet terra; a facie ejus movebuntur cæli. Ulciſcens Dominus, & habens furorem; ulciſcens, & irascens inimicis ſuis. Quis ſuſtinebit eum?

Veh mihi, quia peccavi! Veh mihi, quia prævaricatus ſum! Revelabunt cæli iniquitatem meam; & terra conſurget adverſum me. Ponet contra me abominationes meas. Oculi ejus in me; non ſubiſtam. In turbine conteret me.

Quid faciam in die tribulationis; in die calamitatis; in die illa magna, & horribili, quando veniet, indutus veſtimento ultionis, percutere terram, & viſitare orbis mala? Ubi me abſcondam a facie timoris ejus; a gloria majeſtatis ejus?

I 2

*Cl.*



*Clamat ad Dominum.*

**E**T nunc, Domine Deus omnipotens, Deus patrum meorum, anima in angustiis, & spiritus anxius clamat ad te. Domine, ante te omne desiderium meum, & gemitus meus a te non est absconditus.

Recogitabo tibi omnes annos meos in amaritudine animæ meæ. Anima mea turbata est valde: sensus cordis mei turbati sunt in me: tremor, & horror invasit me: afflictus sum, & humiliatus sum nimis: venit super me indignatio.

Domine, quando respicies? Usquequo clamabo, & non exaudies? Quare in perpetuum oblivisceris mei? Quare repelles

les in sempiternum, & confundentur in confusione dies mei?

Audi, Domine, & miserere: Non avertas aurem tuam a clamore meo; non enim abjecisti filios hominum, & non defecerunt miserationes tuæ.

Manum tuam longe fac a me, & formido tua non me terreat: ne tradas in perpetuum; ne auferas misericordiam tuam. Vide, Domine, afflictionem meam; vide desolationem meam: tu sis via mea.

Recordare paupertatis meæ; recordare nominis tui; converte luctum meum in gaudium. Revertere, revertere; innova dies meos, sicut a principio.

Et laudabo te in terra peregrinationis meæ; laudabo nomen tuum, & sacrificium sanctificationis offeram tibi,

& gloriabor in miserationibus  
tuis.

*Confidit in Christo.*

**D**omine Jesu, pastor bone,  
qui venisti in hunc mun-  
dum peccatores salvos facere;  
qui pro ovibus tuis animam tu-  
am posuisti, & dedisti te obla-  
tionem, & hostiam pro peccatis  
nostris, miserere mei, quoniam  
in te confidit anima mea.

Propter te accedo ad thro-  
num gratiæ, ut misericordiam  
consequar, & gratiam inve-  
niam. Peccavi; sed advocatum  
habeo te apud Patrem. Erravi,  
sicut ovis, quæ periit; quære  
servum tuum, & reduc ad oves  
pascuæ tuæ. Memento mei, De-  
us meus, ne perdas, quem rede-  
misti. LAU.

LAUDES DIVINÆ  
IN NOCTE.

*In nocte canticum Domini.*  
Psal. 41.

**L**audabo in nocte, in princi-  
pio vigiliarum: laudabo,  
& effundam cor meum ante  
conspectum Domini: laudabo,  
& invocabo nomen ejus cum læ-  
titia cordis: cantabo in nocte  
canticum Domini; tota nocte  
non tacebo laudare nomen Do-  
mini.

Qui posuit tenebras latibu-  
lum suum (& gloria ejus in cali-  
gine), apparuit nocte sanctis suis,  
& de medio tenebrarum fecit  
audire vocem suam. Fecit lu-  
nam in tempora; sol cognovit

occasum suum. Effundit tenebras super terram, & per siderum flammam illuminat noctem.

Lux, & tenebræ benedicite Domino; noctes, & dies benedicite Domino; sol, & luna benedicite Domino. Benedicant stellæ cæli, & luceant ei cum jucunditate, qui fecit illas.

Benedicite Dominum omnes servi Domini, qui statis in domo Domini in atriis domus Dei nostri. In noctibus extollite manus vestras in sancta, & benedicite Dominum. Confitemini, & invocate nomen ejus: laudamini in nomine sancto ejus. Cantate in nocte mirabilia ejus; cantate in nocte laudes ejus; collaudate, & confitemini illi, quoniam in omnia sæcula misericordia ejus.

In-

---

*Invocatio Dei in nocte.*

QUAM bonus Israel Deus iis, qui recto sunt corde! Bonus Dominus omnibus sperantibus in eum; animæ quærenti illum: spes enim illorum in salvantem illos; & oculi Domini in diligentes se.

Qui timet Dominum, nihil trepidabit, & non pavebit; quoniam ipse est spes ejus, & fortitudo ejus. Benedicet Dominum, qui creavit illum; lætabitur, & sperabit in eo. Quis enim invocavit eum, & despexit illum? Nullus speravit in eo, & confusus est.

Inimici Domini timebunt die, ac nocte; & persequentur eos tenebræ. Dominus percutiet il-

I 5 los

los cecitate; vinculis tenebrarum colligabit: lux autem maxima Sanctis suis. Videntes mirabilia ejus decantabunt, & glorificabunt nomen sanctum ejus.

Domine Deus salutis meæ in die clamavi: clamabo in nocte coram te; levabo manus meas: elevatio manuum mearum sacrificium vespertinum. Clamabo ad Deum altissimum; Deum, qui benefecit mihi. Protector meus; in ipso speravi, & adjutus sum.

Spera anima mea in Domino Deo tuo: leva oculos tuos in cælum, unde veniet auxilium tibi; auxilium tuum a Domino, qui fecit cælum, & terram. Dominus protectio tua; non dormitabit, qui custodit te; non dormitabit, neque dormiet, qui custodit te, Deus Israel. A custo-  
dia

dia matutina usque ad noctem spera anima mea in Domino.

Sperabo in nomine tuo Domine; Deus meus sperabo in te; Deus meus misericordia mea; in protectione tua commorabor. Non timebo in obscuro; in tenebris noctis. Non timebo a timore nocturno; quoniam tu mecum es, & invocavi te.

Oriatur in tenebris lumen tuum; & nox, sicut dies illuminabitur; & replebimur splendore gloriæ tuæ.

## PRO NOCTURNA QUIETE.

*Si dormieris, non timebis;  
& suavis eris somnus tuus.*  
Prov. 3.

**D**omine Deus meus, qui posuisti tenebras, & facta est nox; qui das dilectis tuis somnum, effunde super me benedictionem tuam, & sanctifica habitationem meam, ut in pace dormiam, & requiescam.

Fiat cor meum, & corpus meum immaculatum. Custodiant me sancti Angeli tui; & tu, Domine, custodi me, ut pupillam oculi, sub umbra alarum tuarum protege me: conserva me in hac nocte, quoniam speravi in te. Protector vitæ meæ, Deus me.

meus, ne repente succidas me: custodi me ab omni malo; custodi animam meam, Domine Deus meus.

Fac, ut serviam tibi in sanctitate, & iustitia, coram te omnibus diebus vitæ meæ, expectans beatam spem, ut in pace consummans cursum meum ingrediar in illam requiem, ubi nox ultra non erit: & serviam tibi die, ac nocte in templo tuo, & videbo faciem tuam, & requiescam in gloria tua, laudans te in sæcula sæculorum. Amen.

Benedicat mihi Dominus, & custodiat me; ostendat faciem suam, & misereatur mihi. Converterat vultum suum ad me, & det mihi pacem. Invocabo nomen ejus, & benedicet mihi. ®

ANTE

---

 ANTE SOMNUM.

*In cubilibus vestris compungimini.*

*Pfalm. 4.*

**E**Xpolier, Domine, veterem hominem cum actibus suis; & non regnet peccatum in mortali corpore meo, ut obediam concupiscentiis eius.

Non transgrediar in lecto meo, nec dicam: quis me videt? Delictorum meorum non memorabitur Altissimus. Cognovi enim, quoniam omnia videt oculus tuus; & licet tenebræ circumdant me, & parietes cooperiant me, & nemo me circumspiciat, non abscondar a facie tua.

Conservabo præcepta tua in  
cor-

corde meo; & cum dormiero, custodient me, & evigilans loquar cum eis. Meditabor nocte cum corde meo, & in cubili meo compungar.

Anima mea desiderabit te in nocte; sed & spiritu meo in præcordiis meis de mane vigilabo ad te. Memor ero nocte nominis tui; memor ero tui super fratrum meum, & in matutinis meditabor in te, & ad ortum lucis te adorabo.

Dormiam; sed cor meum vigilet ad te, ut delectetur in te anima mea, & laudet te in nocte, donec consurgam de somno meo, ad annunciandum mane misericordiam tuam.

Requiesce in me, Deus meus, & in te requiescat anima mea. Hæc requies mea; delectari in Domino Deo meo; in Domino gau-

gaudere, & exultare in Deo Jesu meo.

---

HORA SOMNI.

*Ascendam in lectum strati mei,  
& nomen Domini invocabo.*

Psalm.

**E**Xurgat Deus, & dissipentur inimici ejus, & fugiant a facie ejus: sicut deficit fumus, deficiant; sicut fluit cera a facie ignis, sic pereant a facie Dei. Deus in adjutorium meum intende: Domine ad adjuvandum me festina.

Convertere anima mea in requiem tuam, quia Dominus benefecit tibi. In pace in idipsum dormiam, & requiescam. Requiem dabit servo suo, & non erit,

erit, qui me exterreat. Dominus in latere meo; & custodiet me: a dextris est mihi, ne commovear.

Immitte in me, Domine, soporem sanctum; & dulcis erit somnus oculis meis. Ne terreas me per somnia, nec per visiones horrore concutias: non me conturbent in lecto meo cogitationes meae.

In manus tuas commendo spiritum meum, ne cum impiis dormiam somnum sempiternum; sed in pace sit locus meus, & in Sion habitatio mea.

MEMORIA  
NATIVITATIS CHRISTI  
IN NOCTE.

*Apparuit humanitas Salvatoris  
nostri. Ad Tit. 3.*

**D**Um medium silentium tene-  
rent omnia, & nox in suo  
cursu medium iter haberet, om-  
nipotens sermo tuus, Domine, de  
cælis a regalibus sedibus venit.

In lectulo meo quæram per  
noctes, quem diligit anima mea.  
Non dabo somnum oculis meis;  
nec palpebris meis dormitatio-  
nem; nec requiem temporibus  
meis, donec inveniam locum  
Domino; tabernaculum Deo  
Jacob.

Qui media nocte, quando som-  
nus solet occupare homines, tan-  
quam

quam sponsus de thalamo suo,  
de utero Virginis egressus es, &  
mundo apparuisti; faciem tuam  
illumina super me, ut cognos-  
cam in tenebris mirabilia tua.

O sapientia, quæ de ore Al-  
tissimi prodiiisti! O Adonai, &  
dux domus Israel, qui Moyse in  
igne flammæ apparuisti, & in Si-  
na legem dedisti! O radix Jesse,  
qui stas in signum populorum!  
O clavis David, & sceptrum do-  
mus Israel!

O oriens splendor lucis æter-  
næ, & sol iustitiæ! O rex gen-  
tium, & desideratus earum! O  
emanuel rex, & legifer noster!  
Salva hominem, quem de limo  
formasti; salva nos, Domine  
Deus noster.

FINIS.



## IGNATIUS VICECOMES

*Præpositus Generalis Societatis  
JESU.*

**C**um Librum, cui titulus, *Dies  
Sacra per loca Sacra Scri-  
ptura progrediens, Authore Joanne  
Scotti Societatis Jesu*, aliquot  
ejusdem Societatis Theologi re-  
cognoverint, & in lucem edi-  
posse probaverint; facultatem  
facimus, ut typis mandetur; si  
iis, ad quos pertinet, ita vide-  
bitur. Cujus rei gratia has lit-  
teras manu nostra subscriptas,  
& sigillo nostro munitas dedi-  
mus. Romæ 5. Februarii 1753.

*Ignatius Vicecomes.*

Ja.  
Qu.  
nus fol

IN.

INDEX  
OPUSCULI.

A mane ad meridiem.

**I**n excitatione matutina. a p. 7  
ad 9.

Laudes divina in surrectione ma-  
tutina. a 9 ad 12.

Post surrectionem matutinam.  
a 12 ad 19.

Mentalis oratio. a 19 ad 31.

Laudes divina ex operibus crea-  
tionis. a 31 ad 47.

Actus fidei, spei, & charitatis.  
a 47 ad 52.

Oratio dominica. a 52 ad 68.

Hora tertia. a 68 ad 70.

Confessio sacramentalis.  
ad 79.

Ante Sacram, & Com...

- Sacramentalem. a 79 ad 93;  
 & a 112 ad 115.  
 Hora Sacri, & Communionis  
 Sacramentalis. a 93 ad 95.  
 Post Communionem Sacramenta-  
 lem, & Sacrum. a 95 ad 112.  
 Ante studium. a 115 ad 117.  
 Ad petendam prudentiam in agen-  
 dis. a 117 ad 118.  
 Hora sexta. a 118 ad 120.  
 Refectio. a 120 ad 122.

A meridie ad noctem.

- Laudes divina ex divinis perfe-  
 ctionibus. a 125 ad 138.  
 Hora noua. a 138 ad 140.  
 Lectio spiritualis. a 140 ad 142.  
 In visitatione SS. Eucharistia.  
 Adoratio, & laus. a 142  
 ad 151.  
 Quis anima ad Christum.  
 nus solus a 151 ad 156.

Pre-

- Præces varia ad Christum.  
 a 156 ad 165.  
 Præces pro sancta morte. a 165  
 ad 170.  
 Ad SS. Virginem. a 170 ad 175.  
 Examen conscientia. a 175  
 ad 186.  
 Affectus anima compuncta. a 186  
 ad 199.  
 Laudes divina in nocte. a 199  
 ad 206.  
 Ante somnum, & hora somni.  
 a 206 ad 211.

Estadística



Imprimatur extra Urbem.

F. Jo: Aug. Orfi S. P. A. Mag.

UANL

UNIVERSIDAD AUTÓNOMA DE NUEVO LEÓN

Departamento de  
DIRECCIÓN GENERAL DE BIBLIOTECAS  
mexico

UAN

IDAD AUTÓNOMA DE NUEV  
CIÓN GENERAL DE BIBLIOTE

Jan  
Q  
nus l